


# KUZINGIZIWA

 Tiyeni tiyimilire ntheura sono apo ise tikusindamiska mitu yithu. Fumu Yesu, ise tikugomezga waka. Imwe muli kutiphalira ise kuti tigomezge waka, ndipo ise tikugomezga sono. Ndipo ise tikupereka kwa Imwe viwongo na marumbo pakuti ise tiri kupulika kale na kuwona, icho chikukhozga chipulikano chithu. Umo ise tikumuwongerani Imwe chifukwa cha mwaŵi unyake kuti tafika kuzakatumikira iwo weneawo mbakusoŵeka. Sono ine nkhumurombani Imwe, Chiuta, kuti mukumane na vyakusoŵeka vithu usiku uwu kwakulingana na phangano Linu. Mu Zina la Yesu ise tikuromba ichi. Amen.

<sup>2</sup> Ise ndise ŵakukondwa chomene usiku uwu chifukwa cha mwaŵi uwu wakwiza ku kachisi kamozaso, kuti—kuti...na Ivangeli la Fumu Yesu wakuwuka. Ndipo ine nanguchedwa pachoko waka. Ine nanguŵa na chakuchitika chakubuchizga kufuma ku Michigan mwasonosono waka. Ndipo Fumu yachita chinthu chakuziziswa kwa iyo. Mwe, umo Iyo wakumanyira chirichose ndipo wakuchiŵika waka ichi...Mukuchita kumuphalira yayi Iyo; Iyo wakumanya, Iyo wakumanya waka kasi ichi ntechichi. Ndipo mwantheura ise ndise ŵakuwonga chomene. Ŵanthu ŵakenda dazi lose kuti ŵafike kuno. Ndipo, pamanyuma, ise ndise ŵakuwonga chomene pa icho. Sono, kuruwa yayi a... .

Tepi iyi njakujura? [M'bale Neville wakuti, “Uwo ndi ungweru wa swichi kula.”—Munozgi] O, ungweru wa swichi. Ine napulikiska.

Kuruwa yayi a—visopo sabata yikwiza iyi, pa Chitatu usiku, na pa Sabata yikwiza mlenji, na pa Sabata usiku. Usange imwe mulipo, mu uzengezgani, ine nkhumanya iwo ŵazamukondwera kuzakaŵa namwe kuno.

Ndipo sono, mudirombere ine, apo ine nkhuruta pa ulendo wane kumalo kunyake, ndipo ine nkugomezga kuti ndamkuwerako mwasonosono.

<sup>3</sup> Ine nkukhumba kuti ndimuwongeni imwe mose chifukwa cha chisungusungu chinu na kukumbukira pa icho imwe mwandichitira ine. Ndipo m'bale wanditumizgira waka ine suti kufuma kusika ku mpingo uchoko mu Georgia. Ndipo—ndipo ŵanthu ŵara... .Njiweme waka. Ndipo ine nkukhumba kuti ndiŵawonge ŵanthu ŵara kufuma kusika mu Kentucky, awo ine nkhaŵa nawo sabata yamara pa holide. Na vyose ivyo Fumu yikatichitira ise kula, likuru, woko lankhongono ilo ise tikamuwona Iyo, ivyo Iyo wakachita.

<sup>4</sup> Sono ise tikugomezga kuzakamuwonaniso imwe mwasonosono, para ine ndawerako waka kudera uku, kuruta ku

New York ku ungoro. Uko nkhu Stone Church na M'bale Vick, pakwambira, ine nkugomezga mpha Novembara 12. Ndipo ise tizamkuwa kuno, madazi ghachoko pambere yindafike nyengo yira.

Pamanyuma ise tizamujumphaso kuno, kuruta ku—kukhilira ku Shreveport, Louisiana, na M'bale Jack Moore. Apo mpha kupereka Viwongo, sabata ya kupereka Viwongo, kuzaka wa kula pa Shreveport. Ichi chiri pa mndandanda wa vyakulengezeka, ine nkughanaghana, kumanyuma uko mu vyakulengezeka.

<sup>5</sup> Ndipo ntheura ise tikugomezga kuzaka wa na wabwezi wanyake wa Kumwera para Khrisimasi yajumpha. Ndipo ise tizamkuwa mu Phoenix mu Janyuware. Ndipo pamanyuma kulindizganga ntchemo kuruta kusirya nyanja, mwantheura ise tingamanya kunozgekerama maungano gha kusirya kwa nyanja. Iwo wakunozgera agha sono, mwezi waumaliro uwu, M'bale Borders, kulemberananga uku na uko, kuzingilira charu chose kuzakayambapo waka malinga ise tanozgeka, kwani ise tikwenera kuti tilindizge vyakuchitika.

<sup>6</sup> Wanthu mbanandi chomene kula, ise tingawa wika yayi iwo mu nyumba; tikwenera kuti tiwakhazike waka iwo kuwaro pa giraundi. Ndipo nyengo zinyake iwo wakuwa wanandi chomene, pafupifupi mungagomezga yayi chiwerengero, nyengo zinyake wanandi kufika fayivi handiredi sauzandi. Apo ndi wanthu hafu miliyoni mu kuwungana kumozza; ntha awo wakuwapo pa ungoro mu mazuwa ghanandi mwakuti, kwani kuwungana kumozza. Imwe mukumanya, nyengo zinandi waneni wakupenda kasi ndi wanthu walinga wakuwapo mu masabata sikisi. Imwe mukuwona? Kwani ise—ise tikupenda waka awo walipo dazi lira, nyengo yimoza yira. Ndipo ntheura nyengo zinyake pakuwavye malo gha kukhazikapo iwo, imwe mukumanya, mbwenu kuwawika iwo kuwaro pa giraundi.

Ndipo ise tikwenera kuti tisange nyengo iyo nja vura yayi ndipo vura yikurokwa yayi. Ndipo wanthu wakavu wana wakhala kuwaro kula . . . Ine ndiri kuwawonapo wanakazi wakakhala kuwaro kula na sisi lawo kuposekerana musi, wanthu wakuwara makora, ndipo mbwenu—wakhala waka mu vura yira dazi lose. Wakhala waka kula, ndipo iyi yikarokwanga waka, na kududumanga, na kuthwanimanga, ndipo mphepo yikuputa, ndipo iwo kugwedezgekeranga waka kumanyuma na kunthazi kukhwaskananga yumozza na munyake ngati ntheura, wakhala nkhanira kula, kulindizga mpaka iwe ufike kuti uwarombere iwo. Mukuwona? Sono, imwe mukumanya Chiuta wakuchindika chipulikano ngati icho. Iyo wakuchita.

<sup>7</sup> Imwe mukwenera kuti mumuchitire chinyake Chiuta kuti wamuchindikeni. Imwe mukuwona? Imwe muwoneskeni Iyo. Wanthu awo chirichose chikwiza mwakuphweka chomene kwa iwo, iwo nyengo zinandi ntha . . . Iwo—iwo wakuchitapo

chirichose yayi pakusanga ichi, imwe wonani. Imwe mukwenera kuti... Chawanangwa ntchaulere, uwo mbunenesko, kweni imwe mukwenera—imwe mukwenera kuti... .

<sup>8</sup> Chikuwoneka ngati kuti, imwe mukumanya, ngati ndiumo iwo wakuwowyera, “Usange iwe ukababikira mu chuma,” imwe muli kupulikapo icho, “iwe ukuwonga yayi.” Kweni para iwe wachita kutokatokera ichi, iwe ukuwonga kuzirwa kwa ichi.

<sup>9</sup> Sono mwaŵanthu imwe mukupulikizgira mu matepi uko, ine ningakhumba kuti—kuti... . Ine nkughanaghana sono ine... .

Mlenji uwu, uthenga mlenji uwu wanguŵa, kwa ine, Uthenga wakuzirwa chomene wa utumiki wane wose; mlenji uwu, wonani, Uthenga wakuzirwa wa utumiki wane wose. Dazi linyake ine ndizakumuphalirani umo ichi chikuchitikira. Ndipo ine nkhumanya kuti chinthu chose chakhala chikuchitika myezi na myezi na myezi, kufika ku Uthenga umoza ula, kukuranga kuti chifike ku malo ghara. Kula kukaŵa kumala kwa nyengo ya ichi, imwe wonani. Ndipo ichi ndi... .

<sup>10</sup> Sono ine ndiri na chisimikizgo, panji nkugomezga, kuti imwe mukapulika icho Chikhole chikang’anamura. Mukuwona? Chikhole ndi chimanyikwiwo chakuti Ndopa zaphakikapo. Kutu, mtengo uwo ukukhumbikwa, wakukhumbikwa kwa Chiuta, Yesu wakalipira mtengo ula pa kuchita kuthiska Ndopa Zake Yekha. Iyo wakachita icho. Ntheura, kufumira mu umoyo Wake mukafuma Mzimu Mutuŵa. Ndipo para Ndopa zaphakika pa imwe, Mzimu Mutuŵa ndi Chikhole chakuti mtengo winu walipirika; Chiuta wamupokererani imwe, ndipo icho ndi Chikhole. Kumbukirani, icho ndi Chikhole. Sono, kuli ŵanthu ŵanandi awo nthu, iwo—iwo wakuwanya yayi kasi Chikhole icho ndi vichi, wonani. Ndipo iwe ukwenera kuti upange ichi ngati kuti palije munyake wakumanya ichi, wonani, mwakuti iwo wose wapulikiske ichi.

<sup>11</sup> Kuyana waka na kupharazga chiponosko, ise tikwenera kuti tipharazge chiponosko mu nthowa yakuti waliyose, ichi ntcha waliyose, cheneicho, ise tikumanya kuti ntcha waliyose yayi. Ise tikwenera kupharazga machirisko Ghauzimu kwa waliyose, kweni ise tikumanya kuti nga waliyose yayi. Mukuwona? Yesu wakiza kuzakaponoska iwo weneawo wakaŵa mu Buku la Uwombozi pambere charu chikaŵa chindaŵeko. Iyo wakiza kuzakaponoska iwo pera. Kasi iwo mbanjani, ine nkhumanya yayi. Mukuwona? Kweni imwe... . Kulije munthu wangaŵa na chipulikano pekhapekha iwe uyowoye kuti ntcha waliyose; ndipo ichi chiriko, kulije munthu wangiza pekhapekha Chiuta waŵachema iwo. Uwo mbunenesko. Ntheura kuli ŵanthu ŵanandi awo wazamuponoskeka yayi. Ise tikumanya za ichi. Iwo, enya, Chiuta wakachimanya icho pambere charu chikaŵa chindaŵeko, kuti iwo wazamuponoskeka yayi.

<sup>12</sup> Kuli wānandi awo wāzamuchizgika yayi, wonani, wānandi wāzamuchizgika yayi. Iwo wāngachita yayi, iwo wāngawā nacho yayi ichi. Iwo wākumanya yayi kasi ichi ntchichi. Wānandi wāzamkuwā. Kweni ise tikupharazga ichi kuti ntcha waliyose, chifukwa ise tikumanya yayi kasi munthu yura ndinjani; ise tikumanya yayi. Kweni icho ndi waliyose, kweni wānthu wānyake wāngawā nacho yayi chipulikano icho.

<sup>13</sup> Sono, ndipo chinthu chenechira za Chikhole ichi. Chikhole, ise tayowoya ku Chikhole ulendo wose, kweni sono ndi kuwonekera kwa Chikhole. Mukuwona?

<sup>14</sup> Sono, ise nyengo zinyake tiri kuchizomerezga ichi. Wā Lutera wākachizomerezga ichi kuti, “Kuzomera Mazgu; kumuzomera Khristu ngati Muponoski wa munthu payekhapayekha.” Wā Methodist wākati, “Para iwe wafika pa kukondwa chomene kuti ungachemerezga, Ndicho Ichi.” Wā Pentekosite wakuti, “Kuyowoya malilime, mbwenu iwe wapokera Ichi.” Ndipo ise tikusanga kuti chose ichi ukaŵa utesi. Mukuwona?

Chikhole ndi Chikhole. Ichi ndiwe na Khristu ngati wānthu pamoza. Mukuwona? Ndi Mzimu Mutuŵa, Umoyo Wake mwa imwe, kuchitanga Wake—Umoyo Wake Yekha mwa imwe. Ndipo ntcha musambazi, mukavu, panji waliyose uyo wapokererenge Ichi. Sono kumbukirani, Chikhole ndi icho imwe. . .

<sup>15</sup> Imwe mukuruta ku kampane ya sitima ya pa mtunda ndipo mukugura tikiti winu. Pali mtengo, wakuti mulipire. Tiwowoye kuti mtengo ndi fifite cents kuti mukwere iyi—basi iyi, panji sitima ya pa mtunda, kufuma kuno kuruta—ku Charlestown, Indiana, mtengo ndi fifite cents. Enya, sono, kampane yikupereka matikiti mwakuti. . . Mukuwona? Sono, chinthu icho iwe ukuchita, iwe ukuruta ndipo munyake wakukuphalira mtengo, fifite cents. Iwo wākukupā tikiti uyu wakukupā iwe wanangwa pa sitima yira kukafika uko yikuruta, uko sitima yira yikuruta. Mukuwona? Uyu wakukupā iwe. . . Ichi ndi Chikhole.

<sup>16</sup> Sono, nkhani iyi, ndopa zikaŵa chikhole. Mwakuchita, izi zikenera kuphakikapo, chifukwa izi zikaŵa waka chimanyisko icho iwo wākaŵa nacho, chifukwa zikaŵa ndopa za mwanamberere, chinyama, ndopa za mwanamberere. Ntheura umoyo uwo ukaŵa mu ndopa, umoyo uwo ukafumamo, ntheura ndopa zikaphakikapo. Mukuwona? Umoyo ukafumamo, kweni uwu nthena ukizaso yayi pa wakugomezga, chifukwa ichi ntchinyama. Kweni ichi chikayowoya waka za njuŵi yiweme, kuti yikaŵako Yimoza yikizanga, Sembe yakufikapo.

Ndipo, kupanga iyi kuŵa Yimoza yakufikapo, Mweruzgi yose, Chiuta wa Kuchanya, wakazgoka kuŵa Sembe; Mweruzgi, Wēruzgi, Loya. Mukuwona? Iyo wakazgoka kuŵa Sembe. Ndipo ntheura para Umoyo Wake ukati wafumamo, cheneicho wakaŵa Chiuta. . . Ndipo lizgu kula, uko ili likwiza, “Ndipo

Ine ndiwapenge iwo Umoyo Wamuyirayira.” Sono, mu Chigiriki. . . Ine nkhumanya kuti nkhuoyoya ku wakusambira. Ine nkhuwona wawiri panji watatu. Mukuwona? Ndipo ine. . . Ndipo lizgu mu Chigiriki kula, ndi Zoe. Z-o-e, mu Chigiriki, cheneicho chikung’anamura, “Umoyo wa Chiuta Iyomwene.” “Ndipo Ine ndiperekenge kwa iyo Zoe, Umoyo Wane Ndamwene.” Khristu na Chiuta wakawa Yumoza.

<sup>17</sup> Ntheura, Umoyo uwo ukawa mwa Khristu ndi Mzimu Mutuwa, Munthu wachitatu yayi; kweni Munthu mweneyura, mu kawonekero ka Mzimu Mutuwa, kwiza pa imwe, ngati Chikhole kuti umoyo winu na mtengo winu vyalipirika, imwe mwazomerezgeka. Pekhapekha chikhole icho chafika, imwe mukuzomerezgeka yayi pa msewu, imwe mukuzomerezgeka yayi pa a . . . mu a—basi; imwe mukuzomerezgeka yayi kunjira pekhapekha imwe muwoneske tikiti uyu, ndipo tikiti yura ndi mtengo winu. Ndipo sono Ichi chikuwoneska kuti Ndopa zathiskika ndipo zaphakika pa imwe, mtengo winu walipirika, ndipo imwe muli na Chikhole chakuti Ndopa zaphakika pa imwe ndipo imwe mwazomerezgeka. Mwapulikiska ichi sono? [Gulu likuti, “Amen.”—Munozgi] O, mwe! O!

<sup>18</sup> Sono—sono, ukaboni waka unyake yayi. Mukuwona? Iwe ukuti, “M’bale Branham,” ine nkhuhipulika ichi mu malingaliro ghako, iwe wona, “ndichimanyenge uli ichi?”

Lawiska, kasi iwe ukawa njani, ndipo kasi ndiwe njani? Umo ndimo iwe ukumanyira. Mukuwona? Kasi iwe ukawa njani pambere Chikhole ichi chikawa chindakufike? Kasi ndiwe njani pamanjuma pakuti Ichi chakufika? Kasi vyakukhumba vyako kale vika wa vichi, ndipo kasi vyakukhumba vyako vika wa vichi kale? Ntheura iwe ukumanya kwali Chikhole chakufika panji yayi. Ndipo vinthu vinyake ivi vikumara waka vyekha na Icho. Mukuwona?

<sup>19</sup> Ichi—ichi chiri ngati kuyowoyanga za ichi yayi, na kuti, “Malilime ndi ukaboni.” Sono, ine ndiyowoyenge, ndigurenge skapato, lilime ndi skapato yayi. Ili likwiza waka na skapato, imwe wonani. Ili likwiza waka na skapato. Mukuwona? Sono, chinthu chenechira ndi Chikhole. Chikhole ndi Khristu. Kweni kuyowoyanga malilime, na kufumiskanga viwanda, na kuchitanga vinthu ivyo, na kupharazganga, na chirichose, ndi ukaboni kuti Ichi chiripo, mbunenesko, kweni ichi ndi—ndicho yayi Ichi. Wonani, ndi chawanangwa cha Ichi. Usange ine nkhamuphalirani imwe kuti. . .

<sup>20</sup> Imwe mukuti, “Ine—ine nkhuukhumba iwe, M’bale Branham,” ndipo ine nkhuukupa iwe chawanangwa, wonani. Enya, icho ndine yayi, icho ndi chawanangwa chane.

Malilime ndi chawanangwa cha Mzimu Mutuwa, ndi Mzimu Mutuwa yayi; chawanangwa cha Mzimu Mutuwa.

21 Ndipo devulu wangamanya kukopera chirichose cha vinthu ivyo, kweni iyo wangaŵa Mzimu Mutuŵa yayi. Mukuwona? Iyo wangamanya kukopera vyawanangwa ivi, kweni iyo wakaŵa Mzimu Mutuŵa yayi.

Ndipo Mzimu Mutuŵa ndi Chikhole kuti Ndopa zaphakikapo, chifukwa Ichi chikurondezga Ndopa ulendo wose kufuma ku Buku la Uwombozi. Mukuchiwona ichi? Ndicho chirato cha kwiza Kwake. Ndicho Iyo wakarondezga mu muwiro uliwise. Muwiro uliwise Iyo wali kurondezga icho, kuwoneseska kuti Ichi chababa, ndipo iwo nthena ŵakazgoka ŵakufikapo yayi kwambala ise. Ndipo sono Mzimu Mutuŵa ukwiza pa Mpingo, kumupanga Chiuta mu thupi la munthu; umo Iyo wakachitira panthazi pa Sodom, kuwotcheka kula, cheneicho chikaŵa muzgezge. Pamanyuma, Abraham, Iyo wakawonekera kwa iyo.

22 Ndipo vinthu vyose ivyo Iyo wakachita yayi mu miwiro, mu miwiro ya mpingo, Iyo wakuchita sono. Kuwerera ku Mazgu, chifukwa mauthenga na mauthenga na mauthenga ghakwenera kumalira mu Mazgu ghose. Ndipo mu mazuŵa ghaumaliro, Vididimizgo Seveni pakuŵa kuti vyajurika, kukaŵa kwakuti kuwunganiske kutokatoka kose uko kukalekeka mu ichi, na kupanga chinthu chose mu thupi likuru limoza la Mkwatibwi, kuti iwo ŵeneawo ŵakaŵako kale kula ŵakaŵa ŵakufikapo yayi mpaka Mpingo uwu uzgoke wakufikapo, gulu ili la Mkwatibwi mu mazuŵa ghaumaliro, kuŵawungana pamoza iwo, ndipo wose pamoza kukwapulikira muchanya. Mukuwona?

23 Chikhole, Yesu Khristu, Mzimu Mutuŵa, wali pakati pithu. Ise tikwenera kuchindika icho. Ise—ise—ise—ise tikutondeka kujikhizga taŵene mwakukwanira. Kuvura skapato zinu, panji kugwada pasi, kungamazga yayi ichi; chingachita yayi ichi—ichi chingakhomweska yayi ichi, ichi chingativwira yayi ise; kweni umoyo uwo ukubaba chipaso cha Mzimu!

24 Sono kasi chipaso cha Mzimu ndi vichi? Mukuwona? Chitemwa, chimwemwe, mtende.

25 Mukukumbukira mlenji uwu? Kunozgekeru, wakatuma thenga na Uthenga. Chinthu chakurondezgako Iyo wakachita, para Iyo wakati watuma thenga na Uthenga, Iyo wakatuma Laŵi la Moto kuŵa lakukhozgera. Chinthu chakurondezgako chikaŵa, pamanyuma pa icho, chikaŵa chiwunga-...panji chipembuzgo. Mukuwona? Imwe mukamanya kuti chikaŵa chaunenesko, imwe mukaŵa pa mtende. Ise tiri na mtende na Chiuta, kwizira mwa Fumu Yesu Khristu. Mukuwona?

26 Sono usiku uwu ise tiromberenge ŵarwari, ndipo ine nkughanaghana kuti iwo ŵali na monesko. Imwe—imwe muŵenge na ubapatizo, chisopo cha ubapatizo? [M'bale Neville wakuti, "Yayi."—Munozgi] Monesko pera, monesko. Ndipo ise tikukhumba kuti imwe mulindizge monesko.

27 Ndipo mkatikati—mkatikati mu maminiti sate-fayivi panji maminiti fote ise tikukhumba kuti tiwe kuti tamalizga ndipo tanozgekera monesko. Ndipo sono, namachero ndi nyengo ya Labor Day, nthaura imwe mungamanya kukapumura. Sono, ine nanguyowoya kuti uko ndiko kwanguwa kukhumba kwithu, imwe wonani. Ise tikumanya yayi ndi nyengo uli. Ine nkhukhumba kuwoneseska kuti ndichite makora icho.

28 Sono, mlenji uwu ine nangumuphalirani imwe, pakuleka kuwa na imwe, ine—ine nkhughanaghana kuti ise tikawa na unyake wa ghaŵiri- panji Uthenga wa maora ghatatu mlenji uwu. Kweni—kweni ine—ine nanguyabapo waka, ndipo ine nangughanaghana kuti ine ndirutirizgenge waka ula ku usiku uwu, kweni uwu wanguwa waka ukuru chomene. Ine nkhumanya yayi kwali wanthu wangupulika panji yayi. Ine nkugomezga iwo wakupulika, kulikose. Ndipo ine nkugomezga kuti panguwa matepi ghanyake ghaweme pa uwu, nthaura ichi chingamanya kuchitika, kuti chimanyikwe, kuti ine nkugomezga, na Uthenga wose uwo ine ndiri kupharazga, chigoti icho chikakhozgeka na Chiuta, kuwaro kwa a...Nkhumanya, kutumika kwa nyengo zose, ngati Vididimizgo Seveni na vinthu, icho chikawa ndendende Mazgu gha Chiuta. Ine nkuyowoya za Uthenga wakuti ndipharazge; ine nkugomezga kuti ula ukaŵa weneula, wonani, uwo—uwo, umoza weneuwo ukenera kurondezga Vididimizgo Seveni vira.

29 Sono wonani uwo ukiza pamanyuma pa Vididimizgo Seveni: kuwungana kwa wanthu, vimanyikwiro vyakuwunganiska, kuwara kuswesi kuthwanimanga mu mazuwa ghaumaliro, chimanyikwiro cha wanakazi kuwa wakutowa, na wanarumi, icho iwo wachitenge. Vimanyikwiro vyose ivi vya Mzimu Mutuwa kudangiranga, pamanyuma kwiza nkhanira kumanyuma uku kufika ku kuvumbukwa kwa Mauthenga ghose ghara kufumira ku Vididimizgo Seveni. Ichi chiri kuvumbukwa mu chinthu chimoza ichi, Chikhole, kuti tose tiri makora, wonani, tijisande waka taŵene ndipo tiwone usange ise tiri mu Chipulikano.

30 Sono, Fumu yimutumbikeni imwe. Ndipo sono pambere ise—pambere ise tindajure Baibolo, kuti tirombere warwari... Ise tangufumba mlenji uwu, kasi mbalinga wakarombereka pa Sabata yajumpha usiku, awo—awo—awo wakachira, wakachizgika kale sabata iyi, ndipo kwawoneka kuti wose muno wangukwezga mawoko ghawo, awo wakaŵa pa ungoro pa Sabata yajumpha usiku. Sono, ichi ntchinyake, imwe pulikiskani. Ndi chinyake icho ndi... Ichi ndi, ine nkchukora ichi ndamwene.

31 Kukaŵa mnyamata muchoko, uyo wakaphalirika waka, wakiza kufuma ku Chicago, muchoko Mrs... Kasi mwanakazi yura, Peckinpaugh, Peck... Mrs. Peckinpaugh kufuma—kufuma... Iyo ndi mlongosi muweme Mukhristu. Ndipo iyo

wakiza na munyake, a—mwana, umo ine nkhopulikiskira ichi, mnyamata muchoko panji chinyake, uyo—uyo a... madokotala ghakamanya yayi icho chikamusuzga iyo. Maphapu ghake ghakanangika chomene, panji chinyake, kuti—kuti iwo wakatondeka kuchita... wakatondeka kumuŵika iyo pa sukulu panji chinyake. Iyo wakaŵa chomene, wakarwara chomene. Ndipo wakati, Mzimu Mutuŵa nkhanira para Uthenga uwu ukati wamara, wakayowoya kwa mnyamata muchoko yura, ndipo wakamuchema iyo, wakamuphalira iyo kaŵiro kake na vinyake nthaura, ndipo wakaphara kuchizgika kwake.

Ndipo sabata iyi iyo wakaruta, mama panji ŵapapi, panji waliyose uyo wakaŵako, ŵakamutoreraso iyo kwa dokotala, ndipo dokotala wakayowoya kuti iyo wakaŵa na maphapu ghanyake ghaŵiri ghaphya, wonani, maphapu ghaphya ghaŵiri. Ndipo umo ine nkhopulikiskira, kuti a—kuti ŵapapi panji munyake wakafonera kutali, panji nthowa yinyake, kuti ichi chimanyikwe ku gulu. Mukuwona? Sono, Chiuta, Mlengi, wangamanya kupanga maphapu ghanyake ghaŵiri.

<sup>32</sup> Ine—ine nkhuomezga nadi kuti ise tiri pa—umaliro wa chimoza cha vinthu vikuru chomene ivyo vikatimba charu chapasi kufumira mu mazuŵa gha Fumu Yesu. Mukuwona? Mukuwona? Kweni sono ise tikumanya waka ngati... Chizamkuŵa chakuphweka chomene. Mukuwona? Wonani, icho munthu wakuchema ichi *ntchankhongono*, Chiuta wakuchema kuti “ukazuzi.” Kweni icho munthu wakuchema *kupusa*, Chiuta wakuchema ichi “chankhongono.” Mukuwona? Nthaura sono wonani ichi, wonani, ichi chizamkuŵa chakuphweka chomene mwakuti imwe muzamuphonya yayi...kuti imwe muzamuphonya ichi usange imwe mulije Chikhole kula chakuti mumanyire ichi, imwe wonani. Mukuwona?

<sup>33</sup> Ndinjani wakaghanaghanapo kuti mapiri ghakadukanga ngati twanamberere tuchokotuchoko, ndipo mahamba ghakawombanga mawoko ghawo, para muprofeti wakati wafika kufuma ku mapopa; icho chikayowoyeka na Yesaya, thweluvu handiredi...panji virimika seveni handiredi na thweluvu kale chomene. Na weya chisko chake chose, na chiduswa cha chikumba cha mberere, wambula nanga ndi gome lakuti wapharazgirepo, wakasezgeka ku mipingo yose, ndipo wakimilira mu mphepete mwa mronga wa Jordan, kuchemerezganga, “Rapani!” Ndipo wakazunura ŵanthu gulu la “vipiri,” njoka. Kweni chira ndicho Chiuta wakayowoya, kuti para Iyo wafika, “mapiri ghazamuduka ngati twanamberere tuchokotuchoko.” Mukuwona? Ŵakujikhizga ŵakachiwona ichi ndipo ŵakakondwera.

<sup>34</sup> Kasi iwo nthena ŵakapulikiska uli kuti a... Mesiya mukuru yura, uyo wakachimika kufuma ku mayambiliro gha Buku, mu Genesis, kuti Iyo wazamkwiza, Muponoski? Sembe zose, na ŵaprofeti wose, na chirichose vikarongora kwa Iyo. Ndipo



ntheura para Iyo wakati wafika, wakaghanaghanirika kuti wakababikira pathengere; wiske uyo wakatorana yayi na mama Wake, ndimo wakaghanaghanirika. Mukuwona? Ndipo mwanakazi wakasangika wali na nthumbo ya mwana pambere iwo wakaŵa wandatorane. Ndipo Iyo wakiza mu nthowa yantheura, ndipo wakababikira mu a—chichoko... Enya, ili likuti chiŵaya, mu Baibolo. Kweni chiŵaya mu mazuŵa ghara yikaŵa mphanji kuseri mu—mu chiliŵa. Ine nkhanghawona malo ghantheura mu Arizona nyengo yimoza, nk hazengeranga. Kukaŵa mphanji kuseri kusi kwa chigidibu cha malibwe. Ndipo umo ndimo Yesu wakababikira, kuseri mu mphanji yichoko iyi pa chigidibu mu chakuryeramo viŵeto cha uteka na mapekesi, mu chiŵaya cha ng'ombe, wonani, umo mukaŵa viŵeto.

<sup>35</sup> Ndipo wakalereka ngati Movwiri wa kalipentara, ndipo Yura wangaŵa uli Yehova mukuru? Kweni Ichi chikaŵako, wonani. Ichi chikaŵako. Mukuwona? Munthu wa mtundu wachilendo chomene. Kweni, o, para Iyo wakaŵa waka Mnyamata, Iyo wakuzukumiska ŵasofi pa kuchita kumanya Mazgu ghara. Chifukwa uli? Iyo wakaŵa Mazgu. Mukuwona? Iyo wakaŵa Mazgu.

Iyo wakalembapo buku yayi. Iyo nthwa wakalemba a—Iyo wakalembapo lizgu yayi. Lizgu lekha pera Iyo wakalemba, ine nkhusachizga, Iyo wakasisita ili, mu a—mu muchenga, para mwanakazi wakakoreka mu chigololo. Iyo wakalembapo lizgu yayi. Chifukwa? Iyo wakaŵa Mazgu. Mukuwona? Iyo wakaŵa Mazgu. Iyo wakenera kuti walembe yayi Ichi; umoyo Wake ukakhala Ichi. Iyo wakaŵa Mazgu. Usange Iyo... “Usange Ine nkchuchita yayi milimo ya Ŵadada Ŵane, ipo kundigomezga yayi Ine.” Mukuwona? “Usange Ine nkchuchita ndendende yayi icho Mazgu ghakati Ine ndizamuchita, ipo Ine ndine Mazgu yayi. Kweni usange...” Icho ndicho Iyo wakang'anamura. Iyo ndi Mazgu.

<sup>36</sup> Ntheura sono jinozgereni mwaŵene sono ku a—chisopo cha machirisko na monesko. Ise tiŵenge ŵakukondwa kuti mukhale nase usange imwe mungachita. Usange imwe mungachita yayi, ise tiŵenge na yakufumira para tamara waka.

<sup>37</sup> Ndipo kuruwa yayi, mudirombere ine ndipo romberani muwoli wane, mwanakazi muweme chomene mu charu chose, ndipo—ndipo murombereso ŵana ŵane. Ndipo sono ine ndaŵarombera iwo, waliyose, kwa Fumu Yesu.

<sup>38</sup> Sono, Becky wali waka pa msinkhu wa pachoko “ricketta,” imwe mukumanya, ndipo waka a—pachoko “wa m'matini,” umo ise tikachemeranga ichi kale. Ndipo ntheura iyo wali waka pa msinkhu ula. Kweni, sono, iyo ndi msungwana muweme chomene, ndipo ine—ine nkhuwonga Fumu pa icho; wakukhweŵa yayi, wakumwa yayi, wakuyingayinga yayi, chirichose yayi. Kweni iyo wali waka pa msinkhu ula,

iyo—iyo wakupwererako yayi. Iyo wakukhumba yayi kuruta ku tchalitchi, ndipo, usange iyo warutako, iyo wakukhala kumanyuma uko na kurya chuwing'i gamu, kunyamuka na kufuma kuwaro. Icho, wonani. Ine nkhukhumba kumuwona iyo wazuzgika na Mzimu Mutuŵa.

<sup>39</sup> Ine nkhukhumba kuti ndimuwone Joseph, ine nkhukhumba mnyamata yura. . . Ine nkhugomezga kuti dazi linyake para ine ningayenda yayi kuruta ku gome, ine nkhukhumba kuti ndizakatore Baibolo lake ili lakutwazuka na kupereka ili kwa iyo, kuti, “Joseph, khala na Ili, wamwana.” Ntheura ine ndine wakunozgeka kuruta kuchanya. Ine nkhukhumba kuti ndizakapulike mphepo yikuputa kumalo kunyake, kulaŵiska kuchanya, kubabayiska woko lane, kuruta.

Tiyeni tirombe.

<sup>40</sup> Ŵadada Chiuta, umoyo withu wose wavungirizgika mu Icho, pakuti Ichi Ndimwe, ndipo Imwe ndimwe Umoyo withu. Sono muli ŵanyake muno, Fumu, awo—awo ŵali nacho Chikhole ichi icho ine nanguyowoyapo. Iwo ŵali nacho Chikhole icho, ndipo kweni iwo mbarwari. Ndipo ine nkhukhumba kuyowoya usiku uwu pa kuŵapa chilimbikisko iwo, kuti—kuti ndiŵalimbikiske iwo kuti ŵatore maufulu ghara ghakupika na Chiuta. Iwo ŵali nawo ufulu kumutonda devulu. Iyo ngwakutondeka kale, ndipo iyo wakaŵapusika waka iwo. Ine nkhuŵarombera iwo, Ŵadada.

<sup>41</sup> Sono ndivwireni ine kuti ndiyowoye Mazgu. Imwe yowoyani kwizira mwa ine, Fumu, na vyakulemba vichoko ivi ivyo ine ndalemba apa, na Malemba ghachoko agho ine ndalemba. Ine nkhuromba kuti Imwe mundivwirenge ine, Fumu, na kunjira mu Mazgu na kuŵapa chipulikano iwo ku uchindami wa Chiuta. Mu Zina la Yesu ine nkhuromba. Amen.

<sup>42</sup> Sono mwaluŵiro, ine nkhukhumba kuti imwe mujure Baibolo ku Buku la Yeremiya ndipo chipatulo 29, usange imwe mukutemwa kuŵazga. Panji, usange imwe mukuchita yayi, lembani waka ichi. Yeremiya, chipatulo 29. Ndipo ise tiyambenge na vesi 10 la Yeremiya, vesi 10 la chipatulo 29. Kweniso, ise tiŵazgenge kufuma mwa Luka, chipatulo 16, tiyambenge na vesi 14.

<sup>43</sup> Sono ine ndimupeninge imwe mutu wane, apo imwe—imwe—imwe mukujura. Mutu wane usiku uwu ndi *Kuzingiziwa*. Ndipo ine. . . *Kuzingiziwa*, ndipo, sono, imwe mukumanya kasi kuzingiziwa ndi vichi.

Ndipo sono ise tiŵazgenge kufuma ku Yeremiya chipatulo 29, vesi 10.

*Pakuti ntheura wakuti YEHOVA, Kuti para virimika sevente vyakwaniriskika ku Babulone ine ndizakumuyenderani imwe, na kuchita mazgu ghane ghaweme kwa imwe, mu kumupangiskani imwe kuti mung'anamukire ku malo agha.*

*Pakuti ine nkhumanya maghanoghano agho ine nkhuhanaghana za imwe... (Kasi ntchiweme yayi icho?)... wakuti YEHOVA, kweni maghanoghano gha mtende, ndipo ghaheni yayi, kuti ndimupeni imwe umaliro wakuzomerezgeka.*

*Ntheura imwe muzamuchema pa ine, ndipo imwe muzamkuruta na kuromba kwa ine, ndipo ine ndizakumapulikani imwe.*

*Ndipo imwe muzamkundipenja ine, na kundisanga ine, para imwe muzamkundipenja ine na mtima winu wose.*

*Ndipo imwe muzamkundisanga ine, wakuti YEHOVA: ndipo ine ndizamkumazga umikoli winu, ndipo ine ndizamkumuwunganiskani imwe kufuma kose... mafuko, na kufuma ku malo kose uko ine ndamuchimbizgirani imwe, wakuti YEHOVA; ndipo... ndizamkuwezgeraniso imwe ku—ku malo uko ine nkhamupangiskani imwe kuti mukoreke umikoli. Kuwerera ku pentekosite!*

Ndine naŵikamo icho, ndamwene. Ili likuyowoya icho yayi. Icho ndicho ine nang'anamuranga ku Mpingo.

Luka 16, tiyambire na vesi 15, panji vesi 16.

*Dango na ŵaprofeti vikaŵako kufika kwa Yohane: kufumira nyengo yira ufumu wa Chiuta ukupharazgika, ndipo munthu waliyose wakuphapatizga kunjira mu uwu.*

“Munthu waliyose wakuphapatizga kunjira mu Uwu.”  
Kunjiramo waka mwakuphweka yayi mu Uwu, mwakuphweka, kweni mukwenera kuti muphapatizge kunjira mu Uwu. Mukuwona? Sono, “Para imwe mukundipenja Ine na mtima winu wose, ntheura mundisangene Ine.”

<sup>44</sup> Ndipo Iyo wakalayizga kuti Iyo wazamkwizaso na kuŵatora ŵanthu, kufuma uko ŵakambininikira kulikose pa charu chapasi, para vyamara virimika sevente vira, kuwerera mu Yerusalemu uko iwo ŵakafumira; ndipo Iyo wakachita ichi mwaneheura waka. Uwo mbunenesko.

<sup>45</sup> Sono ise tiyowoyenge pa—pa *Kuzingiziwa* pa maminiti ghachoko sono. Nyengo zinandi, chikutorera kaŵiro ka chinthu chakubuchizga, kuti chitiŵike ise mu kuzingiziwa. Mukuwona? Ntchiheni chomene kuti ichi chikwenera kuchita icho, kweni ŵanthu mbakata chomene mu malingaliro ghawo, kuti chikutorera chinthu chakuŵabuchizga. Chinthu chinyake chikuchitika, ndipo para iwo ŵachita, ntheura ichi—ichi chikuŵaŵika iwo mu kuzingiziwa. Ndipo nadi, mu kuchita icho mu kuzingiziwa, ichi chikuvumbula chinthu cheneko chira icho imwe muli. Ichi chikuwoneska icho imwe muli kupangika nacho,

mu nyengo ya kuzingiziwa. Ichi nyengo zinandi chikusolora vinthu viweme vyose ivyo viri mwa imwe.

<sup>46</sup> Mu nyengo ya nyifwa, ine ndiri kuwapulika wanthu para iwo wakamanya kuti iwo wafwenge, vinthu ivyo iwo wakasunga kuwa vyachisisi umoyo wawo wose, iwo, mu kuzingiziwa, iwo wakayezganga kurapa ichi. Mukuwona? Ndipo kuyezganga, “Kutora *ichi* na kunozga ichi; rutani, chonde; rutani, mukachite,” wonani, mu kuzingiziwa. Iwo wakenera kuti nthena wakachitirathu ichi, wonani, kulindizga mpaka nyengo ya chinthu chakubuchizga yayi. “Uli imwe mundichitire ine *chakuti-na-chakuti*?” Chinthu chakubuchizga chikupangiska kuzingiziwa. Apo, ise tikwenera kuchita ichi kwambula chinthu chakubuchizgika.

<sup>47</sup> Sono ise tikuwona, usiku uwu, kuti ise tikutora vilinganizgo vya Pasaka. Ndipo Pasaka wakatoreka mu chinthu chakubuchizga, mu nyengo za kuzingiziwa. Imwe mukuwona mu—mu Exodus chipatulo 12, ndipo vesi 11 la chipatulo 12, ine nkhuomezga ndilo ili, ili likuti, “Iryani Pasaka uyu na skapato ku marundi kwinu, na muchiwuno mwinu mwakukhozgeka, ndipo na ndodo mu woko linu,” wonani, imwe mukurya ichi mu kuzingiziwa.

<sup>48</sup> Iwo wakawona woko likuru la Chiuta. Iwo wakawona minthondwe Yake yose, ndipo pamanyuma iwo wakiza pasi pa chimanyikwiro cha Chikhole. Ndipo apo iwo wakawa pasi pa chimanyikwiro cha Chikhole, iwo wakatora monesko mu—mu kuzingiziwa, pakuti iwo wakamanya kuti pa nyengo yira Chiuta wakanozgekeranga kutimba na cheruzgo.

<sup>49</sup> Ndipo yika wa nyengo ya kugwedezga. Yika wa nyengo apo munthu waliyose wakajisandanga iyomwene, chifukwa lizgu la muprofeti lika wa kuti lindatondekepo nyengo yimoza. Chikasimikizgika kuti uka wa unenesko. Chirichose iyo wakayowoya, chikachitika waka ndendende umo iyo wakayowoyera ichi. La wi la Moto lika wa ndithu kwenekula. Ndipo, pamanyuma, muprofeti wakalengeza kuti Chiuta wazamujumphapo waka para Iyo wawona chikhole pa muryango. Ndipo uku kuka wa kuzingiziwa.

<sup>50</sup> Ine nkhumanya kulingalira kuti wana wakawa . . . para iwo wakati wawona ghakuru ghara, mapapindo ghafipa ghakukhira kufuma ku mtambo ngati josi likubenekerera msumba, kulira kwiza kufuma ku nyumba yiriyose, wana panyake wakaruta kwa wiskewo ndipo wakati, “Adada, kasi imwe mukuneneska kuti ise tiri pasi pa chikhole chira?”

Ndipo iyo wakamanyanga kuruta ku muryango, kula wiska pa mzati, thabwa lakuthambalara pachanya, wakati, “Wamwana, icho chiri kwakulingana na Mazgu.”

“Kumbukirani, ine ndine mwana winu mulara chomene. Adada, kasi imwe mukuneneska?”

51 “Ine nkhuneneska! Icho ntchakulingana na icho muprofeti wakatiphalira ise, ndipo iyo wali na Mazgu gha Yehova. Wakati, ‘Para Ine nkhuwona ndopa, Ine ndimujuphilireninge imwe. Nyumba yose yitore mwanamberere.’ Ine ndamuwikani mwaŵana mose imwe mkati. Iwe ndiwe wane mulara chomene, kweni wauwere wane. Uyo ndi mweneuyo wakufwa kuwaro kula; kweni apo pali ndopa. Icho ndicho NTHEURA WAKUTI YEHOVA wakaŵa. Ntheura pumula, mwana wane, khala mwakufwasa, chifukwa Chiuta wakapanga phangano. Mukuwona?”

“Enya, Adada, ntchifukwa uli imwe mwavwara skapato zinu? Ntchifukwa uli imwe muli na ndodo mu woko linu? Ntchifukwa uli imwe muli na chipitika cha chingwa mu woko limoza na nyali mu woko linyake? Ntchifukwa uli muli na mphangwe zakuŵaŵa izo na vinthu? Ntchifukwa uli imwe mukurya ichi? Ntchifukwa uli imwe mukufuma thukuta?”

“Wamwana, nyifwa yiri pafupi kuchitika.” Wonani, yikaŵa nyengo ya kuzingiziwa.

52 Sono, ine nkhuomezga kuti ise tikukhala mu mazuŵa apo ise. . . Panji, munthowa yinyake, mazuŵa agho ise tikukhalamo ghangangiske Mpingo kuti unjire mu kuzingiziwa kweneko. Ine nkhuomezga, kufumira pa uthenga mlenji uwu wakufuma kwa Chiuta, ine yayi, ine nkhuomezga kuti ichi chikwenera kuti chiŵike gulu lose ili mu kuzingiziwa, kuti ise taseŵera nyengo yitali chomene. Ise tindarute ku tchalitchi mwakukwanira. Ise tikwenera kuti tichitepo chinyake.

53 Kasi vikuchitika uli kuti ise tikumanya kuwona vimanyikwiwo na vyakuziziswa vinyake vikuchitika ku ŵanyake, ndipo kasi ise nanga? Ichi chikwenera kupangiska kaŵiro ka kuzingiziwa, kuti ise tasimikizga, panthazi pa Chiuta. Vimanyikwiwo vya Kwiza Kwake vikwenera kupangiska gulu lose ili, para ise taŵazga ichi kufuma mu Mazgu. . . Mzimu Mutuŵa watiphalira ise, “Rutani kumalo ghanyake, *ghakuti-na-ghakuti* chinthu chamuchitika,” kwambula kutiphalira ise kasi chamkuŵa chivichi, kweni ichi chamuchitika. Ise tikuruta kula, ichi chikuchitika mwantheura umo. Nkhani mu nyuzi zikunyamula ichi, magaizini ghakunyamula ichi, kuwoneska chithuzithuzi cha ichi. Kwiza kuno ndipo tikuwona vyamuchindindi vikuru vira, vyakubisika mu Baibolo, vikuvumbukwa kwa ise, pa malo ghaphya agho ise tikaghamanya yayi nakale, ndipo makoraghene ichi chikuyana na Kwiza kwa Fumu Yesu.

54 Ntheura, paumaliro pa Mauthenga, tikuwona kuchita kwa Mzimu Mutuŵa mukuru, tikumuwona Iyo wakukhira kuwonekera panthazi pa ŵanthu, nanga nkhorta vithuzithuzi vya Ichi. Tikuchiwona Ichi chikugwira ntchito na kuwoneska kuti ndi munthu yayi, ndi mupharazgi waka yayi, ndi gulu

linyake yayi. Ndi Mzimu Mutuwa kuwoneskanga chinthu chenechira Ichi chikachita para Ichi chikakhala mu thupi la Yesu Khristu. Sono Ichi chikukhala mu Thupi la Mkwatibwi Wake. Ichi chikwenera kuti chitiwike ise mu kuzingiziwa.

55 Wanthu wara wakawona woko la Chiuta. Ndipo usiku ula wa monesko, iwo wakatora ichi na . . . mu kuzingiziwa, chifukwa iwo wakamanya kuti chinyake chikawa pafupi kuchitika. Ndipo ise tikumanya kuti chinyake chiri pafupi kuchitika. Ndipo kumbukirani, Kwiza kwa Fumu kuzamkuwa kwakubuchizga, kuruta mwachisisi. Iyo wazamkwiza na kumutora Iyo ngati munkungu mu usiku. Ndipo kughanaghana kuti usange munyake, mbwenu kwamabuchibuchi, pali mamembara gha banja lithu gharuta, ndipo iwe walekeka kumanyuma! Ichi chikwenera kuti wika ise mu kuzingiziwa, kuti, mwa uchizi wa Chiuta, ise tizamulekeka kumanyuma yayi. “Usange chiripo chinyake icho ine nkhuumba yayi . . . Kuchita yayi, kundileka yayi ine, Fumu.”

56 Mazuwa ghachoko ghajumpha ine nkhapulikizganga Mel Johnson wakwimba sumu yira:

Mundikumbukire ine para masozi ghakukhira,  
 enya,  
 Mundikumbukire ine para wabwezi wali  
 pafupi yayi;  
 Ndipo para ine nkhwambuka mronga uwu wa  
 Jordan,  
 Para Imwe mukuchema mazina,  
 mundikumbukire ine.

57 Ndipo pa Buku la Mwanamberere Wamoyo, ine nkhuumba zina lane lilembekepo. Ine nkhuumba kuti Iyo wandikumbukire ine para mazina ghakuchemeka. Ndipo ichi chikundiwika ine mu kuzingiziwa, ndiko kuti, ngati ndumo Paulos wakayowoyera, “Pamanyuma pakuti ine ndapharazga Ivangeli kasi ine ndizamkuwa a—wakubisama, kasi ine ndizamkuwa a—wakukanika?” Ichi chingamanya kuchitika. Ntheura ichi chikundiwika ine mu kawiro ka kuzingiziwa, kuzingiziwa, kughanaghana za ichi, pamanyuma pa virimika vyose ivi vya kupharazga, kasi ine—kasi ine . . . kumalo uko ine nkhamunangira Iyo? Kasi chakuchitika chinyake ndi vichi? Kasi ine nkhwenera kuti ndichitechi chinyake? Ndipo ichi chikundiwika ine mu kawiro ka wofi. Ndipo kasi ine ndichite vichi? Ichi chikundi ponya ine ku mapiri na ku madambo. Ndipo ntchinonono, chifukwa, para ine ndiri na wanthu, ine nkhwenera kuwa wanthu vyose ku wanthu wose, mwakuti ine panyake ningatorera wanji kwa Khristu, kwene na Chikhole chira nyengo zose panthazi pane. Mukuwona?

58 Ndipo ine nkhuwona vinthu ivyo vichitikenge, ndipo iwe ungapalira yayi wanthu. Iwe ukuwona vinthu

vyakupambanapambana, ndipo iwe ukukanizgika. Mboniwoni zira izo zikwiza, ndipo nyengo zinyake iwo wawenge na chitima usange iwe ukawaphalira iwo, ndipo iwe ukumanya makora kuruska kuchita ichi. Ndipo pamanyuma iwe ukuruta kutali chomene mu mboniwoni mpaka chirichose chikuzgoka mboniwoni, ndipo ichi chikukuwika iwe mu kawiro ka wofi. Iwe—iwe ukulawiska na kuti, “Sono kasi ine ndiri mu mboniwoni?” Ngati ndiumo takhalira muno, “Kasi iyi ndi mboniwoni? Kasi chomenechomene ine ndayimilira nkhu?” Wonani, iwe—iwe ukujivuska wamwene, iwe ukujinyekezga wamwene. Ndipo iwe ukumanya vinthu vyakukhwaskana na wanthu ivyo iwe nthena ukenera kuvimanya yayi. Wanthu awo wakukhumba vinthu ivi, kuti wamanye vinthu ivi, iwo wakumanya yayi kuti kasi utumiki wa mtundu ula ukukuchita vichi. Imwe mukumanya icho chikuchitika na uwu. Ntheura ichi chikukuwika mu kuzingiziwa, “Fumu Chiuta, ine nkhumanya kuti ine ndizamuzgora.”

<sup>59</sup> Jack Moore wakayowoya kwa ine nyengo yimoza, “Ine ningatemwa yayi kuzakazgora ngati ndiumo iwe ukwenera kuzakachitira, pa Dazi la Cheruzgo.” Wakati, “Chiuta wali kuwika wanthu awa mu mawoko ghako, ndipo iwe wamkuzgora pa waliyose yumozayumoza wa iwo. Iwe wamkuzgora pa utumiki wako.” Icho ndi pafupifupi virimika fifitini vyajumphu, panji panyake eyitini. Ndipo kufumira apo, ine ndiri kuwa mu kuzingiziwa. Kasi ine ndizamuchita vichi?

“Ndizomerezgeni ine ndiyowoye chekha pera icho Imwe mukuyowoya, Fumu. Ndizomerezgeni ine ndiwaphalire iwo icho ndi Unenesko, panji kuyowoya chirichose yayi.” Ichi chikundiwika ine mu kuzingiziwa.

<sup>60</sup> Pamanyuma kuwona vimanyikwiro ivi vikwiza, kuwona Mzimu Mutuwa wakutitorera ise kula, na kutora Vididimizgo ivi, na kuwunganya ivi mula ngati ntheura. Kutora Miwiro ya Mpingo na kuwunganya ivi, pamanyuma wakwizira mu Lawi la Moto likuru kumanyuma kula, ndipo—ndipo wakajivumbula Iyomwene. Pamanyuma wakwiza pa chinthu chakurondezgako, pa Vididimizgo Seveni, ndipo wakavumbula ichi. Nanga nkhuwika ichi mu nyuzi na magazini. Pamanyuma kwiza na kutora wangelo wa Chiuta, wangelo seveni wara na Mauthenga seveni, na kukhozgera ichi ndendende ngati ndiumo Baibulo likayowoyera. Ntheura, mu nyengo yira, kwiza na kupereka Vididimizgo vira . . . vimanyikwiro vira, kuthwanima kwa nyengo yaumaliro, na kupereka ichi ku wanthu na kuwaphalira iwo kasi ichi ntchichi, na vyose vya ichi, ndipo Fumu kutewetanga nkhanira kwenekula kujiwoneskanga Iyomwene kuti walipo. Ndipo pamanyuma, kukhira nkhanira pasi ngati mlenji uwu, kwiza na kufumba Chikhole chira pa munthu waliyose. Ntheura, imwe ndimwe wanthu wane. Imwe ndimwe mwa>weneimwe nkhutemwa, awa na weneawo

ŵakutegherezga ku matepi, na ŵanyake ntheura. Pamanyuma imwe mukuwona kuzingiziwa uko ichi chikundiŵikamo ine.

<sup>61</sup> Kuzingiziwa. Vimanyikwiro vya Kwiza Kwake vikwenera kumuŵika membara waliyose wa Khristu mu kuzingiziwa sono, za mauzima githu, za withu—withu—umoyo withu wa kunthazi. Enya, kasi ise tiphindurenge vichi usange ise tatora charu chose? Kasi ise, kasi ise tiri ŵamoyo pa chifukwa uli? Kasi imwe mukuseŵeza kuti musange vichi? Kasi imwe mukurya kuti muchite vichi? Kasi imwe mukutokatoka kuti musange vichi? Kutu muŵe ŵamoyo. Kasi imwe mukukhala umoyo chifukwa chavichi? Kutu mufwe. Ndipo imwe ndimwe ŵakwenerera yayi kukhala wamoyo mpaka imwe muŵe ŵakwenerera kufwa. Uwu ndi unesko.

<sup>62</sup> Ndipo ise tikuwona minthondwe yinandi chomene ya machirisko, ichi chikwenera kutiŵika ise mu kuzingiziwa.

<sup>63</sup> Usange mnyamata muchoko yura... Kasi ine nkhuwona Mrs. Peckinpaugh sono? Kasi uyu ndi Mrs. Peckinpaugh? Kasi ndiwe uyo wakaŵa na mnyamata kuno, chinyake panji munyake? Chifukwa, apa pali mwanakazi wakhala nkhanira apa uyo ine ndayowoyanga. Ine mbwenu vyanguchitika kuti nangulaŵiska uko ndipo nangumuwona iyo.

<sup>64</sup> Sono usange Chiuta wangachita icho kwa mnyamata muchoko yura, ichi chikwenera kumuŵikani imwe mu kuzingiziwa.

<sup>65</sup> Mwanarumi kufuma ku New Albany, iyo panyake wangaŵa muno usiku uwu. Iyo ndi mubwezi kwa M'bale wane Roberson. Wakaŵa na mnyamata muchoko kuno. Ine nkhubomezga kuti muwoli wake wakaŵa na kansa nyengo yimoza ndipo wakachizgika. Ndipo—ndipo sono, mnyamata muchoko wali na asthma yamusuzga chomene mpaka iyo wali waka mu kaŵiro kaheni. Mnyamata muchoko, pafupifupi chigolomiro chose chiri na kansa, iyomwene. Mukuwona? Ndipo ntheura iyo wakiza nayo mynamata muchoko, enya, ine nkhuwona woko lake kumanyuma, kumanyuma kula, wanguromberoka mlenji uwu, imwe wonani.

<sup>66</sup> Kuzingiziwa! Para muwoli wakakhala pachoko kufwa na kansa, iyo wakamanya kuti Chiuta mbwenu wamuchizgenge iyo. Ndipo usange Chiuta wakamanya kuchizga muwoli, Chiuta wangamanya kuchizga mnyamata. Ndipo ichi chikuŵika ichi mu kaŵiro ka kuzingiziwa. Mukuwona? Imwe mukwenera kufika; ndipo para imwe mwazingiziwa, ntheura Chiuta wamupulikeninge imwe. Kweni usange imwe ndimwe waka ŵakata, imwe mukupwelera yayi kwali Iyo wakuchita panji yayi, enya, ntheura icho ntchinyake. Imwe mukuyowoya kuti imwe mukuchita, kweni ichi chikutorerera kuzingiziwa kuti muchite ichi.



<sup>67</sup> Ine nkhuḡomezga kuti ndicho chifukwa ise tirije kuzingiziwa ndi chifukwa cha kusoŵeka chitemwa, Chiuta, chitemwa cha Chiuta. Ine nkhuḡhanaghana kuti chitemwa cha Chiuta chikupangiska kuzingiziwa. Usange Chiuta wali mwa imwe, Chikhole mkati mwinu, ndipo imwe mukuwona kaŵiro ka zinyengo, ndipo ŵanthu ŵakwenda mu kwananga umo iwo ŵakuchitira, ichi chimuŵikenenge imwe mu kuzingiziwa. Ine nkhuḡomezga ichi chichitenge.

<sup>68</sup> Sono Mazgu ḡhakuyowoya pakweru, usange imwe mukukhumba kuti mulembe ichi, mu Ŵagalatiya 5:6, kuti, “Chipulikano chikutēweta mwa chitemwa.” Mukuwona? “Chipulikano chikutēweta mwa chitemwa.” Ndipo nthowa yimoza pera imwe mungaŵa na chipulikano, ndi kuŵa na chitemwa pakudanga. Chifukwa, nakwenenako, chipulikano ndi chakulimbikiska cha chitemwa. Chakulimbikiska, ndi ndendende icho—icho chipulikano chiri. Ndi chakulimbikiska ku chitemwa. Sono, imwe, usange imwe mulije chitemwa, imwe mungaŵa nacho yayi chipulikano. Mukuwona?

<sup>69</sup> Kasi iwe ungaŵa nacho uli chigomezgo mwa muwoli wako usange iwe ukumutemwa yayi iyo? Icho ndi mu *phileo*. Sono mukuti uli mu *agapao*, kwa Chiuta? Kasi ichi chingachitika uli usange iwe ukumutemwa yayi Chiuta?

Usange iwe ukayowoya kuti iwe ukamutemwa muwoli wako, ndipo ukumuphalirapo yayi iyo za ichi, ndipo ukukhala pasi yayi na kupanga chitemwa kwa iyo, kuwoneska ichi kwa iyo, kumufyofyontha iyo, kumuhaga iyo, na kumuphalira iyo kuti iyo ndi kaswiri wa kuphika mu charu, vinthu vyose iwe ukumanya, na kutowa umo iyo waliri, na umo iwe ukumutemwera iyo; usange iwe ukuchita yayi icho, iyo wamanyenge yayi ichi. Ako ndiko kachitiro. Usange iwe ukumutemwa iyo, iwe ukuwoneska ichi.

<sup>70</sup> Umo ndimo ise tikuchitira kwa Chiuta. Para ise tikumutemwa Iyo, ise tikumuphalira Iyo za ichi. Ise tikukhala pasi ndipo tikumuchindika Iyo, na kumusopa Iyo. Ndipo, wonani, chitemwa chikutichiskira ise ku icho.

<sup>71</sup> Sono uli usange chinyake chikwenera kuti chichitike ku muwoli wako? Chifukwa, ichi mbwenu chikuŵikenenge iwe mu kuzingiziwa kuwoneseska kuti ichi chichitike. Uli usange munyake wakuyowoya kuti muwoli wako wali na kansa? Uli usange munyake wakuyowoya kuti wako—muwoli wako wali na TB, ndipo iyo wali pafupi kufwa? Kweni, iwe, iwe a—iwe uchitengepo chinyake. Wonani, ichi chikuŵikenenge iwe mu kuzingiziwa.

<sup>72</sup> Ndipo icho ndi chinthu chenechira ichi chiri. Ise tikwenera kuŵa na chitemwa pambere ise tindaŵe na chipulikano. Ndipo chipulikano... Para ise tiri na chitemwa cheneko, kasi ichi chikuchita vichi? Ichi chikukankha chipulikano chithu

kuruta kumalo ghakumurwera nkondo Chiuta. Mukuwona? Chitemwa cheneko chauchiuta kwa Chiuta na chifukwa cha Mazgu Ghake na wanthu Wake, chikankhirenge chipulikano kula. Chitemwa chikugwiriska waka ntchito chipulikano, ndipo mbwenu, “Zaninge, tiyeni tirutenge!” Ndipo uko ichi chikuruta, chifukwa icho ndicho chitemwa chikuchita.

<sup>73</sup> Yohane 14:23, Yesu wakati, “Usange munthu wakunditemwa Ine, iyo wasungenge Mazgu Ghane.” Sono imwe mungasunga yayi Mazgu Ghake kwambula kuwa na chipulikano mu icho Iyo wakayowoya. Ntheura, imwe wonani, usange iyo wakumutemwa Chiuta, ntheura iyo wakusunga Mazgu gha Chiuta. Usange Iyo wakati, “Ine ndine Fumu uyo wakakuchizga iwe,” iyo wakugomezga icho. Chitemwa chikumupangiska iyo kugomezga ichi, chifukwa chitemwa chikuruska vyose. “Nangauli ine nkhuwoyoya na lilime la munthu na la Wangelo, ndirije chitemwa, ichi ntchawaka, wonani. Nangauli ine ndiri na chipulikano kusezga mapiri, ndipo ndirije chitemwa, ichi ntchawaka.” Chitemwa chikuruska vyose, chifukwa Chiuta ndi chitemwa, Chiuta wa chitemwa. Sono, enya, bwana! Usange Yesu wakati, “Usange munthu wakunditemwa Ine, iyo wasungenge Mazgu Ghane.”

<sup>74</sup> Ise tikumanya ndi unesko kuti Chiuta wakumanenge na uzima wakuzingiziwa. Sono, ise tose tikumanya icho. Kweni nyengo zinandi ichi chikutorera chinyake kuti chitinjizge ise mu icho, ku kupanikizgika kula, kufika ku kuzingiziwa. Ichi chikutorera chinyake kuti chichite ichi.

<sup>75</sup> Ise tikusanga kuti, mu Yakobe 5:15, kuti Baibolo likayowoya, kuti, “Leneko lakufikapo,” uko ndi kuzingiziwa, “lurombo leneko lakufikapo la munthu murunji likovwira chomene. Para munthu murunji, munthu muweme, wali mu vyakuwinya,” panji kwenda kwa uzima, panji vyakuwinya, chimoza cha ivi. Ine—ine nkughanaghana “kwenda” ndi lizgu liwemiko. Vyakuwinya, panji kwenda, chimoza icho imwe mukukhumba kuyowoya ichi. Kweni para a—a—uzima wafika mu—mu kuzingiziwa, mu vyakuwinya, lurombo leneko lakufikapo la munthu uyo wangamanya kuwoneska Chikhole, ili likuchita chinyake. Mukuwona?

<sup>76</sup> Wonani icho Baibolo likayowoya apa naposo, mu Yakobe 16, 5:16, likati, usange. . . “Kuvumbulanga zakwananga zithu,” kukhalanga makora, kunozgekera ichi, “kuvumbula zakwananga zithu yumoza kwa munyake.” Kuleka kuwa na—kuleka kuwa na kwananga. . . Fumba wanthu kuti wakurombere iwe, kuvumbula zakwananga zithu yumoza kwa munyake, na kuromberana yumoza na munyake. Apo imwe muli. Na chitemwa, chitemwa, chakuti ine ndiri nacho chisimikizgo kuti ine ningavumbula kwa iwe kwananga kwane; ndipo iwe ungavumbula kwa ine kwananga kwako. Ndipo ine nkhuwotemwa iwe mwakufikapo kuti ine nikurombere iwe,

ndipo iwe undirombere ine; ndipo ise tikhallenge na ichi, na lurombo leneko lakufikapo, mpaka ichi chizgoreke. Uko ndi, uko ndi kuzingiziwa. Ndicho ise tikwenera kuwa nacho nyengo yose.

<sup>77</sup> Tiyeni titore viyezgerero vinyake vya m'Malemba vya icho, ivyo vikachitika, sono, pa ghanyake, pakunji maminiti fifitini, para Fumu yazomerezga.

<sup>78</sup> Jacob, iyo wakaŵa munthu, iyo pakudanga wakaŵa pachoko...mnyamata wambula kupwelera nthena. Iyo wakaghanaghana mu malingaliro ghake yekha kuti iyo wakamanya kuti uwere ukang'anamura chirichose kwa iyo, ndipo iyo wakapwelera yayi umo iyo watorerenge uwu, mbwenu waka kuti iyo wakatora uwu. Ndipo para iyo wakati watora uwu, iyo wakaghanaghana kuti chirichose chikaŵa makora, chifukwa iyo wakaŵa na uwere. Iyo wakaghanaghana kuti nkhani yikamara. Iyo wakiza kwa mukulu wake para iyo wakaŵa na njara, wakizanga kufuma ku thengere, kufuma ku kuteweta na ng'ombe na kuzengeranga nyiska. Ndipo mukulu wake, iyo—iyo wakakhumbanga bakuli mukuru wa bala, zgama zamuthengere na—na vinthu pamoza. Panyake chikuŵa chiyezgo chikuru chomene para munthu wali na njara, pamanyuma pa kwenda dazi lose. Ndipo mukulu wake wakati, “Ine ndakhala waka pachoko kuzinduka. Ndipeko linyake la ili.”

Ndipo iyo wakati, “Enya, ine...usange iwe ulumbirenge kwa ine kuti ine nditore uwere.” Mukuwona? Iyo wakapwelera yayi umo iyo wakachitira ichi, kweni kuti waka iyo wakatora ichi. Ndipo iyo wakaghanaghana, para iyo wakati watora uwere, mbwenu chikakwanira.

<sup>79</sup> Pentekosite, apo ndipo imwe mukatondeker! Imwe mukaghanaghana kuti pakuti imwe mukababika na Mzimu, kubabika na Mzimu wa Chiuta, Uwere, mbwenu kukakwanira. Kweni ichi chikwambiska waka ichi. Imwe mukukumbukira mu uthenga wa—wa *Mupulikeni Iyo*, umo kuti mwana yura, para iyo wakati wababika mu banja, wakazgoka kuŵa mwana. Uyu wakaŵa na mafulu ku uwere, kweni uyu wakenera kusimikizgirika, mwana wasambizgike. Ndipo nthaura usange uyu wakasimikizgirika yayi kuti wakaŵa a—mwana wakupulikira ku khumbo la wiske, nthaura uyu wakenera kuŵa, enya, uyu wakapokera yayi a—a...wakaŵa yayi a... kuti wazgoke muhaliri. Uyu wakahalira chirichose yayi, kweni uyu wakaŵa mwana, kweni iyo wakahalira chirichose yayi usange iyo wakaŵa wakukondwereskeka yayi mu mlimo wa wiske wake.

<sup>80</sup> Ndipo nthaura para Mzimu Mutuŵa ukati wafika pa ŵanthu ŵa Pentekosite ndipo iwo ŵakayamba kuwezgereska vyawanangwa na vinthu ivyo vikaŵa mu mpingo; iwo ŵakaghanaghana, pakuti iwo ŵakababika na Mzimu, mbwenu

kukakwanira. Kweni, imwe wonani, kuli kukhozgeka kwa mwana. Ndipo para mwana uyu wasimikizgirika kuti ndi mwana mweneko, ntheura iyo wakaruta nayo pa gulu la wanthu, ndipo ntheura iwo wakamukhazika pachanya, ndipo wakasintha minjilira, ndipo wakamukhazika pachanya apo; ndipo ntheura pakaŵa kukhozgeka kwa mwana, kuti iyo wakaŵa muhaliri wa chirichose icho wiske wakaŵa nacho.

<sup>81</sup> Chiuta wakachita chinthu chenechira na Mwana Wake pa Phiri Lakusandulika. Iyo wakaphimbika na a...panji bingu, ndipo wakasandulika, ndipo vyakuvwara Vyake vikaŵara ngati zuŵa, ndipo lizgu likati, “Uyu ndi Mwana Wane Wakutemweka mwa Uyo Ine nkukondwera.” Moses na dango vikatondeka. Ndipo uyu ndi Iyo, “Mupulikeni Iyo.” Iyo wakakhozgeka. Mukuwona?

<sup>82</sup> Sono Jacob wakaghanaghana, pakuti iyo wakaŵa na uŵere, kuti chirichose chikafiskika.

Ntheura wakachita wanthu ŵa Pentekosite, ndipo iwo wakayamba kupanga bungwe, a—ŵa oneness, threeness, na ŵautatu, na mitundu yose ya mabungwe, na kukangana na kukokana yumoza na munyake, chikasimikizgira kuti Chikhole chikawonekanga yayi. Kukhumbirana viheni, sanje, mbembe, wonani, kweni kula ndiko ichi chikafika.

<sup>83</sup> Sono, wonani, Jacob wakaghanaghana chinthu chenechira. Kweni mu wofi, usiku umoza, wa umoyo wake yekha, kuzingiziwa kukamusanga iyo, para iyo wakaghanaghana kuti, “Kusirya waka kwa mronga ula, mukulu wane wakulindizga kuti wandikome ine. Iyo wachitenge.” Wonani, uŵere uwo iyo wakatora, chikaŵa chinthu icho chikati chipangiskenge nyifwa yake.

Ndipo nyengo zinyake chinthu chenechira icho iwe wapokera, ngati Mzimu Mutuŵa, Ichi ndicho, ndipo wababikaso na Mzimu, usange iwe ukuchenjera yayi, chinthu chenechira chizamkukususka iwe pa umaliro. Uwo mbunenesko. Maji gheneghara agho ghakaponoska Nowa, ghakasuska charu. Chinthu icho—icho iwe uchemenge kunyanyira panyake chingaŵa chinthu chenechira icho chikususkenge iwe pa umaliro wa ulendo.

<sup>84</sup> Sono Jacob wakamanya kuti umoyo wake ukaŵa kufupi ku umaliro. Iyo wapokera thenga ilo likiza likamuphalira iyo kuti mukulu wako, na wanarumi foru handiredi ŵali na virwero, wakizanga kuti wakumane nayo, wakamanya iyo wakaŵa—iyo wakaŵa pa nthowa. Wofi ukamukora iyo. Iyo wakatuma munthu wakandangirako na nkambako, na ng’ombe, na mberere kuti wakapange sembe ya mtende na Esau. Ntheura, pamanyuma pa icho, iyo wakatuma gulu linyake na kutundu munyake wa vinthu. Pamanyuma iyo wakatuma gulu linyake na katundu munyake wa vinthu, kuyezganga kukumana nayo

iyu chakudanga, kuyezga kuti wasinthe ukali wake. Pamanyuma iyo wakayamba kughanaghana, “Icho chimulekeskenge yayi iyo, chifukwa panyake iyo ndi musambazi kuruska umo ine ndiliri. Iyo wakuchikhumba yayi ichi.” Pamanyuma iyo wakatora wawoli wake na wana wake wachokoŵachoko, ndipo wakawayambuskira kusirya iwo, kuti Esau wakawone wana wake wachokoŵachoko wara na wawoli wake. Ndipo nadi pa waphwa wake wachokoŵachoko wanarumi na wanakazi, iyo wawakomenge yayi iwo. Ntheura, iyo, ndipouli iyo wakachita yayi ichi. Chiuta wakumanya umo wangamukolera munthu. Jacob wakayambuka mronga. Kula iyo wakagwada pasi pa makongono ghake.

Imwe mukumanya, iyo wakaŵa ngati munthu wasoni pachoko, pambere icho chindachitike. Mundigowokere pa kayowoyero, kweni wakaŵa ngati pachoko... Iyo wakaŵa Jacob. *Jacob* chikung’anamura “nyenga,” ndipo chira ndicho iyo wakaŵa. Kweni pakawā chinyake icho chikenera kuti chichitike kwa iyo. Kula mu kuzingiziwa, kula para nyifwa yikaŵa kunthazi kwa iyo...

<sup>85</sup> Panyake mungaŵa wanarumi na wanakazi wakhalala muno usiku uwu, awo kuti, nyifwa yiri nkhanira panthazi pinu. Ndipo nthowa yimoza pera iyo imwe mungamanya kusangira chinthu icho imwe mukukhumba, ndi kwiza mwa kuzingiziwa. “Ine nkhwenera kuŵa nacho ichi, usiku uwu. Ine ndipokere ichi sono, panji ine ndamara. Namachero nkhutali chomene. Ine nkhwenera kuŵa nacho ichi sono!”

Para iwe ukuromba ubapatizo wa Mzimu Mutuŵa, Chikhole, ntha ungayowoyanga kuti, “Enya, sono ine ndikwerenge mtunda ndipo ndiyezgenge. Fumu, ine, ine ndavuka pachoko.” O, lusungu, khala mu mpando wako! Ntha nanga—ntha nanga ungayezganga. Usange iwe ukwiza, ukuti, “Ine ndiyendenge mu mzere wa pemphero; kuŵika mafuta pa mutu wane, ine ndiwonenge usange ichi chindichitirenge chiweme ine,” ungamanya kukhala apo iwe uli. Mpaka iwe ufike ku malo ghara, mpaka mpingo wose ufike ku malo, apo ndi pakatikati pa nyifwa na umoyo, iwe ukwenera kuŵa nacho Ichi sono panji uparanyike, ntheura Chiuta wafikenge pa malo. Chikutorerera kuzingiziwa kuti Chiuta wafike pa malo.

<sup>86</sup> Jacob wakalira kuruska kale. Mwa kuzingiziwa iyo wakachema mpaka iyo wakakumana na Chiuta. Ndipo para iyo wakati wachita, iyo wakajunthana nayo; pa maminiti fifitini yayi. Iyo wakajunthana nayo kuti wamusungilire Iyo, mu uzima wake, usiku wose; ndipo kweni iyo wakamanya kuti iyo wakaŵavye thumbiko, ndipo iyo wakarutirira kukoreska mpaka thumbiko likafika. Iyo wakajunthana nayo mwa kuzingiziwa mpaka thumbiko likafika. Ntheura, ndipo para iyo wakati wawona... mpaka Chiuta wakafika pa malo. Ndipo ntheura,

mu kuzingiziwa, “Ine ndizomerezege yayi kuti Imwe murute,” para iyo wakayamba kuwona kuti thumbiko likwiza pa iyo.

Ŵanthu ŵanandi ŵakuti, “Uchindami kwa Chiuta, ine ndapokera ichi sono.” Uko imwe mwapusikika. Enya! Munyake wakuti, “O, ine nkhopulika waka makora chomene, M’bale Branham, ine nkharuta kusika kula ndipo nkharomba. O, kunjenjema kukapulikikwa pa ine.” Ndipo icho panyake wakaŵa Chiuta. “Ine nkhwona kuŵara kukulu kunthazi kwane.” Icho panyake wakaŵa ndithu Chiuta, kweni ndicho ine nkhuoyoya yayi.

<sup>87</sup> Baibolo likayowoya, mu Ŵahebere chipatulo 6, “Vura yikurokwa pa murunji na pa muheni, mwakuyana waka.” Sono, imwe mutore tirigu, ndipo mutore duru, ndipo mupande ivi mu munda. Ndipo vura yikutumika kupukwa tirigu, kweni vura yikurowa pa duru mwakuyana waka umo yikuchitira pa tirigu. Ndipo, vura, ndipo duru ngwakukondwa waka na vura umo tirigu waliri, ndipo ndi vura yeneyira. Mzimu Mutuŵa mweneyura wangawa pa wambula kugomezga na kumupangiska iyo kuchita mwakuyana waka umo wakugomezga wakuchitira. Kweni na vipaso vyawo iwo ŵakumanyikwa; icho ndicho ine nkhuoyoya, icho ndi Chikhole. Ndipo Da- . . .

<sup>88</sup> Ndipo Jacob, mphanyiko, mu kuzingiziwa, iyo wakati, “Ine nkhumanya ine ndamukorani Imwe, Imwe muli pano na ine, kweni ine ndizomerezege yayi kuti Imwe murute.”

Munyake wakuchiwona ichi kuti ntchiweme, kunyerenyeska kwakudanga kuchoko, iwo ŵakunyamuka ndipo ŵakuduka kukwera-na-kukhira, kuchimbira mu mpata, ŵakuti, “Ine ndapokera Uwu, ine ndapokera Uwu, ine ndapokera Uwu.” O, yayi. Huh-uh. Yayi.

Jacob wakakhala kwenekula mpaka chinyake chikachitika, icho chikamupangiska iyo kwenda mwakulekana, chimamupanga iyo munthu wakulekana, chifukwa chakuti iyo wakakhaira mpaka chira chikachitika. Ndipo iyo wakamanya. . . Baibolo likati, “Iyo wakakoreska mpaka iyo wakatonda.” Kasi munthu wangatonda uli Chiuta? Kweni iwe ungachita ichi. Iwe ungachita ichi. Munthu wangamanya kutonda Chiuta.

<sup>89</sup> Nyengo yimoza kukaŵa munthu wakuthyika Hezekiya, wakaphalirika na muprofeti, “NTHEURA WAKUTI YEHOVA, iwe ufwege.” Hezekiya wakarazgira chisko chake ku chiliŵa, ndi mu kuzingiziwa iyo wakalira, “Yehova, mundighanaghanire ine. Ine ndiri kwenda panthazi Pinu na mtima wakufikapo, ndipo ine nkhuumba virimika fifitini vyakusazgirapo,” pamanyuma pakuti Chiuta wakamuphalira iyo kuti chinyake chichitikege, iyo wafwege. Ndipo, mu kuzingiziwa, iyo wakasintha ndondomeko ya Chiuta. Kuzingiziwa, ndipo kweni, iyo wakalira chomene mu kuzingiziwa.

<sup>90</sup> Jacob wakakhala kwenekula mpaka thumbiko likafika, ndipo wakasintha zina lake kufuma ku “nyenga” kufika ku “kalonga na Chiuta.” Nanga ndi fuko likachemeka na zina lake. Enya, bwana! Kasi chikaŵa chivichi? Vyakurondezgako vikaŵa chifukwa chakuti iyo wakazingiziwa na chinthu ichi. Ndipo dazi lakurondezgako para iyo wakakumana na Esau, iyo wakakhumba ŵalonda yayi. Iyo wakenda mwakurunjika ndipo wakakumana nayo. Mukuwona? Chifukwa? Iyo wakafika mu kuzingiziwa mpaka iyo wakapoka chisimikizgo.

Ndipo iwe ukufika pa kuzingiziwa mpaka iwe ukupoka chisimikizgo. Usange iwe ukuchita yayi, ungizanga yayi nanga nkuzakarombereka. Ungizanga yayi nanga nkhu guwa. Lindizga mpaka ichi ndi pakatikati pa umoyo na nyifwa, kwa iwe, nthura chinyake chichitikenge. Nadi, kuzingiziwa!

<sup>91</sup> Ruth wakazingiziwa, nyengo yimoza, para iyo wakimilira na Naomi. Kasi iyo wakwenera kuti wawerere ku ŵanthu ŵakwake, ku vyose ivyo iyo wakatemwa, na vyose ivyo iyo—iyo wakasopa, ŵachiuta ŵakwake na ŵanthu ŵakwake, panji iyo wakhilirire na Naomi? Kasi iyo wachite vichi? Ndipo iyo wakafika pa kuzingiziwa, ndipo iyo wakachemereza, “Uko imwe mukuruta, ine ndirutenge. Uko imwe mwamukhala, ndiko ine ndamukhala. Uko imwe mwamufwira, ndiko ine ndamufwira. Uko imwe mwamusungika, ine ndamkusunga. . . panji ndiko ine ndamkusungika. Ndipo Chiuta winu wamkuŵa Chiuta wane.” Apo imwe muli, kuzingiziwa! Chiuta wakamutumbika iyo, wakamupa iyo mwana mwanarumi, Obed. Obed wakababa Jesse. Jesse wakababa, mwa Jesse, mukababika Yesu. Chifukwa, kuzingiziwa!

<sup>92</sup> Ngati muzaghali muchoko, Rahab, iyo wakazingiziwa. Iyo wakamanya kuti nyifwa yikaŵa kunthazi kwake. Iyo wakaŵa pasi pa cheruzgo. Ndipo iyo wakazingiziwa, wakati, “Ine ndimubiseninge imwe ŵazondi. Ine ndichitenge chirichose. Kweni, lumbirani kwa Chiuta winu, ndipo nyumba yane yizamuyima.” Apo imwe muli.

Iyo wakati, “Ine ndichitenge. . . Usange iwe utorenge waka chikhole ichi, ichi chichitikenge.”

<sup>93</sup> Eliezer wakafika pa kuzingiziwa para ntchito yikaŵikika pa iyo kuti wakapenje mkwatibwi wa Isaac. Eliezer wa ku Damaseko wakaŵa munthu mukuru. Iyo wakatemwereka na Abraham, ndipo iyo wakagomezgeka na Abraham kuti warute na kukapenja mkwatibwi, mtundu wakwenerera wa mkwatibwi, wa mwana wake, Isaac. Kwizira mwa yura muzamubabika Khristu.

<sup>94</sup> Sono, Eliezer, pakuŵa munthu wauzimu, wakamanya icho ichi chikang’anamura. Mtundu wakwenerera wa mwanakazi wakenera kuti nthena wakaŵa—muwoli wa munthu yura. Ndipo kasi iyo wamkusanga uli ichi? Mu ora la kuzingiziwa, para

iyo wakati wafika mu msumba, iyo wakaromba ndipo wakati, “Yehova Chiuta!” Ndicho chinthu icho. Para iwe wafika pa kuzingiziwa, ukwamba kuromba. “Yehova Chiuta, zomerezgani msungwana wakudanga uyo wafikenge na kumweska ngamila, na kundipa ine maji, waŵe mweneyura.” Iyo wakaromba mu ora la kuzingiziwa kwake.

<sup>95</sup> Rebeka, msungwana wakutowa, wakiza, wakamweska ngamila. Ndipo pamanyuma iyo wakati, “Kundichedweska yayi ine mu nthowa yane.” Iyo wakenera kuti wafike ku nyengo ya chigamuro kwali iyo warutenge. Iyo wakaŵa chithuzithuzi cha Mkwatibwi. Kasi iyo—kasi iyo warutenge na kukatorana na mwanarumi uyo iyo wandamuwonepo? Sono, icho ntchinthu chikuru. Wakaŵa wandamuwonepo iyo, kweni iyo wakapulikapo waka kwizira ku wantchito wake.

<sup>96</sup> Icho ndi chithuzithuzi cha Mkwatibwi. Imwe muli kumuwonapo yayi Khristu. Kweni imwe mukupulika, kwizira mu ŵantchito Ŵake, icho Iyo wali. Imwe mukuguriska chirichose, mukuleka nyumba zinu, chirichose icho chiripo, kuti murute mukamusange Iyo. Sono wonani, ndipo iyo wakapanga chigamuro, chithuzithuzi cha Mkwatibwi, wakayileka nyumba yake ya bungwe, wonani, kuti warute.

<sup>97</sup> Yona, ŵakamuponya kuwaro kwa sitima mu nyengo ya mphepo yamkuntho, pasi nkhanira pa nyanja, mu nthumbo ya somba. Vigomezgo vyose vyakuŵa na umoyo vikamara. Kweni mbwenu kukachitika kuti chikiza ku malingaliro ghake kuti Solomon, mu kulipatulira tempile, wakati, “Yehova, usange ŵanthu ŵangaŵa mu suzgo kulikose, ndipo iwo ŵang’anamukirenge ku tempile ili na kuromba, ntheura ŵapulikeni.” Ndipo pa kung’anamuka mu nthumbo ya somba, wakakwaniska kufika pa malo ghanyake wakagwada pa makongono ghake, ine nkughanaghana, na maukuzi gha somba palipose pa iyo.

Kula iyo wakaromba mu kuzingiziwa. Ndipo mu icho, kuzingiziwa; mvuchi uchoko waka wa mphepo ndiwo wekha iyo wakaŵa nawo mu nthumbo ya somba. Ndipo mu mvuchi uchoko weneula uwo iyo wakathutanga, panyake iyo wakamanya yayi lwande ilo iyo wakaŵa, ndipo wakati, “Yehova, ine nkugomezga ine nalaŵiska kuchanya kurazga ku tempile Linu.” Ndipo na mvuchi uchoko waka kuti wachite, mu kuzingiziwa, wakaromba, mu vyakuchitika vira. Chikachitikapo yayi nakale, kweni iyo wakazingiziwa. Iyo wakaromba, ndipo Chiuta wakamusunga iyo wamoyo pa madazi ghatatu na mausiku, ndipo wakamupereka iyo ku malo kuti wakapereke uthenga wake. Kuzingiziwa!

<sup>98</sup> Hanna, mwanakazi wambula kubaba mu Baibolo, iyo wakakhumbanga mwana, ndipo iyo wakayamba kumuziŵizgira iyo. Ndipo iyo wakaziŵizga na kuromba mpaka nanga ndi



musofi pa tempile wakaghanaghana kuti iyo wakarowera. Iyo wakaŵa mu kuzingiziwa kukuru! Na ŵanakazi ŵanyake wose ŵakalaŵiskanga mtundu wa chipewa yumoza munyake wakavwara; ndipo imwe mukumanya umo ichi chikuchitikira; ndipo yumoza munyake kulaŵiskanga mtundu wa malaya iwo ŵakavwara, na kuyowoyanga za vinthu ivyo vikachitikanga pa munda. Kweni Hanna yayi; iyo wakafumapo pa gulu lose ndipo wakaruta ku guwa. Iyo wakhala wakuziŵizga. Iyo wakakhumbanga kuti kunyozeka kwake kumare.

Ndi mphambano uli ichi chiri muhanyauno. Pafupifupi ntchasoni kuŵa na mwana. Ntheura ichi chikaŵa—ichi chikaŵa chasoni kuleka kuŵa na yumoza.

Ndipo iyo wakagwada pa makongono ghake. Ndipo iyo wakalaŵiska kuzirwa kwa tempile yayi. Iyo wakalaŵiska musofi wakuzirwa yayi apo iyo wakenda kufumira kuwaro. Iyo wakaŵa mu chitima chikuru mpaka masozi ghakakhilanga mu matama ghake, ndipo iyo wakaliranga, mu kuzingiziwa, “O Yehova Chiuta, ndipaseni mwana ine. Ndipaseni mwana ine!”

<sup>99</sup> Ndipo, wonani, iyo wakaŵa muzukusi yayi. Para Chiuta wakati wamupulika iyo, ndipo wakazgora lurombo lake ndipo wakamupa mwana iyo, iyo wakamuperekaso iyo kwa Chiuta. Ndipo pakuti iyo wakakhumba yayi kuŵa muzukusi para Chiuta wakati wazgora lurombo lake, Iyo wakamupa iyo muprofeti. O, lira likaŵa thumbiko lakusazgikirapo. O, iyo ngwakuzura waka na ivi, vinthu vichokovichoko vyakusazgikirapo iyo Iyo wakupereka. Mwana pera yayi, kweni muprofeti. Ndipo yikaŵako yayi mboniwoni ya pakweru pa vinandi, virimika vinandi, mu Israel. Samuel, muprofeti wakudanga, pa vinandi, virimika vinandi, chifukwa mama wakafika pa kuzingiziwa; kuti iyo wakaŵanga na ŵana yayi, ndipo iyo wakajumpha msinkhu wa kubaba, pakunji sikisite, virimika sevente vyakubabika. Ndipo iyo wakaromba mwa kuzingiziwa, iyo wakwenera kuti waŵe nayo mwana uyu! Kasi chikaŵa chivichi? Chiuta wakayowoya kwa iyo, kwambula nkhaiyiko.

<sup>100</sup> Iwe ungaŵa yayi wakuzingiziwa mpaka Chiuta wayowoyenge kwa iwe. O, Mpingo, nyamukani ndipo jisunkhunyeneni mwaŵene! Finyani njuŵi yinu, jipamphuskeni mwaŵene, mu ora ili! Ise tikwenera kuŵa ŵakuzingiziwa, panji tiparanjikenge! Kwizenge chinthu chinyake kufuma kwa Yehova! Ine nkhumanya ichi ngati NTHEURA WAKUTI YEHOVA. Kwizenge chinthu chinyake, ndipo ntchiweme ise tifique pa kuzingiziwa. Ichi ndi pakatikati pa Umoyo na nyifwa. Ichi chijumphenge pa ise ndipo ise tizamuchiwona yayi ichi.

<sup>101</sup> Chifukwa chakuti iyo wakaŵa muzukusi yayi, iyo wapakika muprofeti.

<sup>102</sup> Mwanakazi wa ku Sunemu wakababa mnyamata muchoko uyo muprofeti wakachita kuyowoya Mazgu gha Yehova, nangauli

iyō wakaŵa muchekuru ndipo mfumu wake muchekuru. Iwo ŵakaŵavye ŵana, kweni iyo wakaŵa wa chisungusungu kwa uyu—muprofeti uyu. Ndipo iyo wakamanya kuti yura wakaŵa munthu wa Chiuta. Iyo wakawona kuti yura wakaŵa wakuchindikika, munthu mweneko. Iyo wakanjira mu nyumba, mfumu wake wakaŵako yayi kula, na vinyake vyose. Iyo wakaŵa munthu mutuŵa. Iwo ŵakamanyanga kuwona kuti iyo wakaŵa munthu wakuchindikika. Iyo wakamuwona iyo wakuchita vimanyikwirowo na vyakuziziswa. Iyo wakamupulika iyo wakuyowoya vinthu iyyo vikachitika. Iyo wakaŵa wakuchindikika, munthu mutuŵa.

Iyo wakati kwa mfumu wake, “Ine nkhuwona kuti munthu uyu uyo wakwima nase ndi munthu mutuŵa.” Dona wa nyumba, iyo wakamanya kuti yura wakaŵa munthu mutuŵa. Ndipo iyo wakamuzengera kanyumba kachoko kuwaro kula, mwakuti iyo wangakhozgekanga soni yayi. Iyo wangamanya kwiza para iyo wakhumba, na vinyake ntheura. Iyo wakaŵikamo a—kabedi kachoko mula, na a—jagi la maji, na vinyake ntheura, mwakuti iyo wangamanya kugeza na kuŵa na ghanyake ghakuti wamwe. Ndipo iyo wakamanyanga kutumako wantchito, panji munyake, wantchito mwanarumi, na—na chakurya chinyake kuti wakamupase iyo, na kwiza na kuzakamutauzga a—kumutandalika iyo, panji chinyake.

<sup>103</sup> Ndipo, ntheura, para Eliya wakati wawona chisungusungu ichi chikachitika kwa iyo. Ndipo kuli kulembeka, “Icho imwe mukuchita ku Ŵane ŵachokoŵachoko, imwe mukuchita ichi kwa Ine.” Ntheura iyo wakachiwona icho, mwanakazi wakachindikanga Chiuta apo iyo wakachindikanga muprofeti uyu, apo iyo wakawona Chiuta mwa muprofeti. Ndipo, ntheura, iyo wakakhumbanga kalikose yayi pa ichi. Chikaŵa mu mtima wake yayi kupokapo kalikose. Iyo wakachita waka ichi pakuti iyo wakamutemwa Chiuta. Iyo wakachita ichi kuti wasangepo thumbiko lirilose yayi. Iyo wakachita waka ichi.

<sup>104</sup> Sono, sono Eliya wakati, “Ruta ukamufumbe iyo, kasi ine nkhamuyowoyere iyo kwa fumu? Ine ndine mubwezi wake. Panji, chirongozgi mukuru, ine—ine nkhumumanya makora chomene iyo. Pali kutemwereka kunyake, chinthu chinyake ine ningamanya kumuchitira iyo, ine nkhuukhumba kuti ndimupase chinyake iyo chifukwa cha umo iyo waŵira kwa ine. Iyo wa—iyo wandiryeka ine. Iyo wandipangiska ine kugona pa bedi. Ndipo—ndipo iyo waŵa muweme chomene kwa ise. Sono kasi ine ningachita vichi?”

Iyo wakati, “Yayi, ine nkhuukhala waka pakati pa ŵanthu ŵakwithu. Ise tiri—ise tiri waka makora. Ise tiri navyo vyakukhalira umoyo, ndipo mbwenu kwamara. Ise tikusoŵeka chirichose yayi.”

Ndipo Gehazi wakati kwa iyo, “Kweni iyo walije ŵana.”

105 Ntha kuruska umo Gehazi wakachiwonera ichi, kwambula nkhayiko muprofeti wakawona mboniwoni, pakuti iyo wakati, “NTHEURA WAKUTI YEHOVA. Ruta ukamuphalire iyo, mu nyengo yakwenerera, panji nyengo yeneko, chirimika kufuma sono, iyo wazamupakata mwana.”

106 Ndipo mwana wakababika. Para iyo wakaŵa pafupifupi virimika thweluvu vyakubabika...Umo banja lakale lira likenera kuti likamutemwa mnyamata muchoko uyu, mwana wawo yekha pera. Ndipo dazi limoza iyo wakaŵa uko kudumuranga tirigu, na wiske wake. Panyake pakaŵa pafupifupi muhanya pakati, iyo wakapsya na zuŵa, ine nkhusachizga, chifukwa iyo wakayamba kulira, “Mutu wane.” Iyo wakarwara na kurwara. Wiske wake wakamutora iyo kufuma ku munda, ndipo ichi chikaŵa chinthu chakubuchizga kula, mwakuti iyo wakatuma wantchito, ndipo wakamupereka iyo.

107 Mama wakamuŵika iyo pa chiapakato chake mpaka muhanya pakati, ndipo iyo wakafwa. Wonani, mwana wake yekha pera, uyo wakapika kwa iyo na Yehova, kwizira mu lurombo na phangano la muprofeti na NTHEURA WAKUTI YEHOVA. Iyo wakamanya chikaŵapo chinyake chakwanangika pa malo ghanyake. Ichi chikapulikiskika yayi. Chiuta wangapereka uli mwana yura na kuzomerezga iyo—chitemwa chake kufika ku bonda yura? Kweni iyo wakachita kupempha yayi uyu. Iyo wakachekura chomene kuŵa nayo uyu. Woko la Chiuta likachita kulenga uyu. Munthu wakayowoya ichi, muprofeti. Ndipo kula bonda uyu mu kaŵiro aka, wakafwa, mwana wake yekha pera.

Ntheura iyo wakati kwa wantchito, “Ndimasulire nyuru, ndipo iwe ukwerepo, ndipo kuyima yayi. Usange munyake wakuyezga kukuyimika iwe, kuyowoya lizgu lirilose yayi, ndipo iwe urute ku Phiri la Karmel. Kunena kula mu mphanji pa malo ghanyake, ukajure, kuli muteweti wa Chiuta Wapachanya Chomene; mweneuyo wakandiphalira ine, NTHEURA WAKUTI YEHOVA, ine ndiŵenge na bonda. Ine nkhumumba kuti ndimanye chifukwa icho Chiuta wachitira ichi.” Ntheura iyo wakati...“Ruta mwakunyoroka kunthazi ndipo kuyimika yayi nyuru iyo. Yileke iyo yichimbire waka mwankhongono chirichose chiri mwa iyo. Yileke iyi yichimbire mpaka iwe ukafike kula.” Kuzingiziwa!

108 Ndipo Eliya muprofeti wakanyamuka, wakalaŵiska, ndipo wakati, “Apa wakwiza wa ku Sunemu yura, ndipo, iyo, chinyake chiri makora yayi na iyo. Chiuta wabisa ichi kwa ine. Ine nkhumanya yayi icho chanangika.” Wakati, “Ruta, ukakumane nayo. Ine ndiri...Tiyе tifulumire. Pali chinyake chakwanangika.”

Kuzingiziwa kukafika pa muprofeti, kuzingiziwa pa mwanakazi. Wonani, iwo wakwiza pamoza; yumoza kukhumbanga kuti wamanye icho Mazgu gha Yehova ghakaŵa, ndipo yumoza munyake wakamanya yayi icho Mazgu gha Yehova ghakaŵa. Apo imwe muli. Yumoza wakakhumbanga kuti wamanye ichi, ndipo yumoza munyake wakamanya yayi ichi. Mwanakazi wakakhumbanga kuti wamanye ichi, ndipo muprofeti wakamanya yayi ichi. Wakati, “Chiuta wabisa ichi kwa ine. Ine nkhumanya yayi chakuti ndimuphalire iyo para iyo wafika kuno.”

Ntheura iyo wakakhala pafupi kufika kula. Iyo wakanyamuska woko lake, iyo wakati, “Kasi vyose viri makora na iwe? Vyose viri makora na mufumu wako? Vyose viri makora na mwana?”

<sup>109</sup> Sono, mwanakazi wakafika pa umaliro pa kuzingiziwa kwake. Iyo wakati, “Vyose viri makora!” Uchindami! “Vyose viri makora!” Kuzingiziwa kwake kukamara. Iyo wakamusanga muteweti wa Yehova. Usange iyo wakaŵengeko yayi kula, iyo nthena wakaŵa ndithu mu kuzingiziwa. Kweni, imwe wonani, iyo wakaŵako kula. Iyo wakati, “Vyose viri makora!”

Elisha wakaghanaghana, “Enya, kasi ntchichi chikuchitika sono?”

<sup>110</sup> Ntheura iyo wakachimbilirako ndipo wakawa pa marundi ghake. Icho chikawoneka chachilendo, ntheura Gehazi wakamunyamuska waka iyo. Wakati, “Muleke iyo, kuchita yayi icho.” Eliya wakati kwa muteweti wake, “Kuchita yayi icho. Mureke iyo. Chiripo chinyake chakwanangika. Chiuta wabisa ichi kwa ine.” Pamanyuma iyo wakavumbula kwa iyo kuti mwana wafwa.

<sup>111</sup> Sono, muprofeti wakamanya yayi chakuti wachite. Iyo wakati, “Gehazi, tora ndodo iyi yeneiyo ine nakhala nkhwendera.” Iyo wakamanya kuti chirichose iyo wakakhwaska chikaŵa chakutumbikika, chifukwa wakaŵa iyo yayi, wakaŵa Chiuta mwa iyo. Iyo wakamanya icho iyo wakaŵa. Iyo wakamanya kuti iyo wakaŵa muprofeti. Ntheura iyo wakutora ndodo iyi ndipo wakati, “Gehazi, iwe utore iyi, ndipo iwe urute ndipo ukagoneke iyi pa mwana. Ndipo usange munyake wakukuyowoyeska iwe, iwe khala wakuzingiziwa. Ndipo kutauzga munyake yayi, ndipo ungazomerezganga yayi... Rutirira waka kwendanga, kuyowoya kwa waliyose yayi. Ukaŵike iyi pa mwana.”

<sup>112</sup> Kweni, mwanakazi, chira chikamazga kuzingiziwa kwake yayi. Chira chikakhomweska icho iyo wakizira yayi. Iyo wakati, “Umo Yehova Chiuta waliri wamoyo, ine ndi—ine ndikulekenge yayi iwe mpaka iwe urute ukamuvwire mwana.”

<sup>113</sup> Ndipo Eliya wakafika pa kuzingiziwa. Ndipo apa iyo wakaruta, kukhira msewu, iyo na mwanakazi. Ndipo para

iwo wakati wafika kula, a...wanthu wose wakawa kuwaro mu balaza, kuchemerezga na kuliranga. Ndipo mwanakazi wakachita chinthu chakwenerera chomene icho chikenera kuchitika. Iyo wakatora mwana ndipo wakamugoneka uyu pa bedi apo Eliya wakagona. Chira chikawa waka chiweme ngati ndodo yake. Ndipo iyo wakawuka yayi kula, ntheura chinthu chira chikagwira ntchito yayi. Iyo wakakhumba kuti wamanye chinyake chapadera.

<sup>114</sup> Muprofeti wakanjira. Sono iyo wali mu kuzingiziwa. Sono kasi iyo wachitenge vichi? Ndipo ise tikusanga mu Baibolo kuti iyo wakanda kukwera muchanya na kukhira pasi, wazingiziwa. “Ine nkhumanya chinyake yayi chakuti ndichite, Yehova. Apa ine ndiri. Imwe mukandiphalira ine kuti ndiyowoye icho ku mwanakazi yura, ndipo NTHEURA WAKUTI YEHOVA. Ndipo chikawa ndendende umo ine nkhamuphalirira iyo, chifukwa Imwe mukandiphalira ine. Sono, kula iyo wali mu suzgo, ndipo ine nkhumanya yayi chakuti ndichite. Apo pagona mwana wakufwa. Kasi ine ndichite vichi, Yehova?”

<sup>115</sup> Kwambula nkhayiko Mzimu Mutuwa wakati, “Usange Chiuta wali mwa iwe, ipo gona pa mwana.” Chinthu chakudanga imwe mukumanya, iyo wakayima, wakachimbira ndipo wakaika mawoko ghake pa mawoko ghake, mphuno yake pa mphuno yake, milomo yake pa milomo yake. Ndipo para iyo wakati wamugonera uyu, mwana wakafwinkhula kankhonde na kawiri. Kuzingiziwa kukamara.

Mwana wakawerera ku umoyo, chifukwa kuzingiziwa kula kukatuma mwanakazi yura kwa muprofeti, ndipo kuzingiziwa kukatuma muprofeti ku mwana. Ndipo kuzingiziwa mu wose wawiri kukatuma Chiuta pa malo. Na chitemwa cha Chiuta, na chitemwa pa wanthu wake, chikiziska chitemwa cha Chiuta, ndipo chikaponya chipulikano ku malo ghankhondo, ndipo ntchito yikachitika. Suzgo lamara. Amen! Mphenepapo. Kuzingiziwa kwachita ichi. Nadi! Iyo wakati wafumengepo yayi.

<sup>116</sup> Wachiburumutira Batimeyu wakaghanaghana kuti Yesu wajumphenge kufupi kwa iyo, wakakhala kuwaro kula pa chipata, wakupemphapempha wachiburumutira, kupempha wowwiri. Chinthu chakudanga imwe mukumanya, wakupulika chiwawa; Yesu wakajumphanga. Iyo wakati, “Ndinjani wakujumpha?” Munyake wakamukankhira pasi iyo. Iyo wakati, “Chonde, munyake, ndinjani wakujumpha?”

Yumozza wa iwo, enya, panyake mwanakazi muchoko musambiri, wakayowoya kwa iyo, wakati, “Bwana, kasi iwe ukumanya yayi Uyo wakujumpha?”

“Yayi. Ine nkhopulika wanyake wa iwo wakuti, ‘Kuli malaro ghakuru ghakuzura na wanthu wakufwa kunena uku. Usange

iwe ukuwuska wâkufwa, ruta ukaŵawuske iwo.’ Kasi ndi wakutuka panji munyake?”

“Yayi. Kasi iwe uli kupulikapo za Muprofeti yura wa ku Galileya, Muprofeti mwanichi yura wakuchemeka Yesu wa ku Nazarete?”

“Yayi.”

“Enya, iwe ukumanya, mu Baibolo ili likuyowoya mu mapepala ghithu kuti Mwana wa David wazamukwezgeka kuti wazakakhale pa ichi. Yura Ndiyo.”

“Kasi yura Ndiyo? Kasi yura Ndiyo, ndipo Iyo wakujumpha?”

Kuzingiziwa kukamutuma iyo kuti wachemerezge, “O Yesu, Imwe Mwana wa David, mundichitire lusungu ine!”

Kundijumphilira yayi ine, O Muponoski  
muweme,  
Pulikani kulira kwane kuchoko;  
Apo ku wanyake Imwe mukuchema,  
Kundijumphilira yayi ine.

“O Yesu!”

Wanyake wa iwo wakati, “Khala chete! Iwe ukupanga chiwawa chomene.”

<sup>117</sup> Kweni iyo wakazingiziwa. Usange Iyo wakafika kufupi, iyo panyake waŵenge na mwaŵi unyakeso yayi. Ise panyake nateso tiŵenge nawo yayi; uwu panyake ungaŵa usiku waumaliro. Kuzingiziwa! Iyo wakachemerezga, “O Yesu!” Kwambula kupwerera uyo wakamuphalira kuti wakhale chete, iyo wakachemerezga mwakuyana waka, kuchemerezga kukuru kula. Para iwo wakamuphalira kuti wakhale chete, ichi chikamupangiska iyo kuchemerezga chomene. Iyo wakazingiziwa. Pakaŵavye munyake wakamanya kumulekeska iyo. “Imwe Mwana wa David, mundichitire lusungu ine!” Ndipo iyo wakachemerezga mu kuzingiziwa.

<sup>118</sup> Ndipo Mwana wa Chiuta, na zakwananga za charu pa mapewa Ghake, wakuruta ku Yerusalemu kuti wakaperekeke, nkhanira nyengo yeneyira, kuŵa sembe ya charu, wakayimilira mu nthowa Yake. Kuzingiziwa, kulira kwa kuzingiziwa, kukamuyimika Mwana wa Chiuta. Wakati, “Kasi iwe ukukhumba kuti Ine ndikuchitire vichi?” O!

Wakati, “Fumu, kuti ine ndilaŵiskeso.”

Wakati, “Rutanga nthowa yako, chipulikano chako chakuponoska iwe.”

Chira chikakwanira. Kuzingiziwa! Para kuzingiziwa nkhwakuti upokere chinyake, kukhwaska kuchoko chomene, chipulikano chikukora ichi. Mukuwona? Iyo ntha wakati, “Sono lindizga miniti pera, lindizga miniti pera, yimilira penepapo

miniti pera, reka ine ndiwone usange ine ningalaŵiska sono. Ine nkhanghawonapo yayi mawoko ghane, pa virimika vinandi. Tiye tiwone usange ine ningachiwona ichi. Ine nkhuwona kalikose yayi.” Para Yesu wakati, “Chipulikano chako chakuponoska iwe,” chira chikakwanira. Ndicho chekha iyo wakakhumbanga.

<sup>119</sup> Kuzingiziwa kukupangiska munthu, ndipo para munthu, kwali ichi ntchichoko uli, ichi chikupokerereka, ichi chikugomezgeka nkhanira penepapo, chifukwa chipulikano chikupokelera para kuzingiziwa kukututuzga ichi. Mukuwona? Chitemwa mwenemula chikusazgikana na ichi ndipo chikupereka ichi ku ichi. Kuzingiziwa kukuchita ichi.

Batimeyu wachiburumutira wakawona mboniwoni mwaluŵiro.

<sup>120</sup> Petros, wakatimbanizgika mwakukwanira, usiku umoza pa nyanja, para iyo wakati wazingiziwa. Ndipo iyo wakayamba kulira, “Pali chinyake chakwanangika. Ine nkhuwona mzimu ukwiza, ukwenda kwiza kwa ine!” Sitima yikakhala pachoko kuti yibire. Iyo wakati, “Usange ichi Ndimwe, Fumu, ndichemeni ine ndize kwa Imwe pa maji.” Ndipo iyo wakafumamo mu sitima ndipo wakayambako; ndipo iyo wakachita mantha para iyo wakati wayambako, ndipo iyo wakayamba kubira, ndipo kuzingiziwa... Nangauli mwanangiska, mu kuyezga kurondezga marango gha Chiuta, . . . Ine nkhangomezga kuti mpingo ukupulikiska icho. Munthu wakachitanga icho Chiuta wakamuphalira iyo kuti wachite.

<sup>121</sup> Sono, iwe Mukhristu usiku uwu, iwe uli pa nyengo ya ntchito, kuyezganga kurondezga urongozgi wa Mzimu Mutuŵa; ndipo kansa yakukora iwe, panji a—nyifwa yakukora iwe, kansa, chifuŵa chikuru, chirichose ichi chingaŵako. Mu nyengo ya ntchito, iwe uli na wanangwa weneula uwo Petros wakaŵa nawo.

“Fumu, ndiponoskeni ine, panji ine ndiparanyikenge.” Mu kuzingiziwa iyo wakachema, ndipo woko likamufika ndipo likamunyamula iyo. Iwe uli na chinthu chenechira. Kweni iyo wakachemerezga, “Ndiponoskeni ine, Fumu!”

Iyo wakapulika kulira kwane kwa kuzingiziwa,

Kufuma mu maji wakandinyamula ine, sono ndine wakuvikilirika. Mukuwona?

<sup>122</sup> Ndicho ichi, para iwe wachemerezga!

<sup>123</sup> Panyake mwanakazi uyu, mama, chirichose icho chikaŵako kwa iyo, msepuka muchoko, panji muzukulu, panji muphwa, chirichose icho chikaŵako, wakalira mu kuzingiziwa. Chiuta wakapulika.

<sup>124</sup> Pamanyuma ise tikusanga kuti, mu kubira, Chiuta wakamupulika iyo. Mu nyengo ya ntchito, iyo wakayamba

kubira. Iyo wakatondeka. Palije kanthu usange iwe ukutondeka, icho chirije chakuchita na ichi. Tose tikutondeka. Ise ndise wakutondeka, kufuma pa kwamba. Kweni ise tiri nayo Munyake wayimilira sono wali na woko lankhongono, Uyo wangatikora ise na kutizuwura ise mu maji.

<sup>125</sup> Usange iwe wanangiska, mwanakazi munyake wakanangiska, mwanarumi munyake wakanangiska, mnyamata munyake panji msungwana wakanangiska; kubira yayi. Chemerezga, mu kuzingiziwa, “Fumu, ndiponoskeni ine, panji ine ndiparanyikenge!” Fika pa kuzingiziwa za ichi. Chiuta wakupulikenge iwe. Iyo nyengo zose wakuwupulika uzima wakuzingiziwa. Icho ndicho ine nkhuvezga kumuphalirani imwe.

<sup>126</sup> Fumu yithu Yesu wakutemweka, Iyomwene, mu malo ghakuru ghankhondo mu charu, Gethsemane, Iyo wakachemerezga, mu kuzingiziwa. Kasi Iyo wanyamule zakwananga za charu, panji kasi Iyo wakhale waka pa charu chapasi na wasambiri Wake wakutemweka, kasi Iyo wakakhumbanga kuchita vichi? Kweni wonani kujikhizga Kwake umu Iyo wakajikhizgire Iyomwene, “Khumbo Lane yayi kweni Linu lichitike,” wakajikhizga Iyomwene ku Mazgu, Mazgu ghakulayizgika gha Chiuta wa Kuchanya.

Wonani, pamanyuma, Iyo wakarutilira pachoko. Ndipo usange Iyo wakarutilira pachoko, kasi ise tikwenera kurutilira chomeniko uli. Mukuwona? Ndipo wonani, Lemba likuyowoya apa, mu Luka, kuti Iyo wakaromba mwakufwilirapo. M'bale, mlongosi, usange Yesu wakaromba mwakufwilirapo, kasi ise tikwenera kuomba mwakufwilirapo chomene uli. Usange Khristu, Chiuta wa Kuchanya, wakazgoka thupi, wakaromba mwakufwilirapo, nthaura kasi ise tikwenera kuchita pakuru uli, wakwananga wakuponoskeka mwa uchizi, tirombe mwakufwilirapo! Usange—usange chigamuro chikamuponya Mwana wa Chiuta mu kuzingiziwa, kasi ichi chichitenge vichi kwa imwe na ine? Mwa kuzingiziwa ise tikwenera kuti tilire.

<sup>127</sup> Chiuta, mu mazuwa ghaumaliro agha, wajiwoneska Iyomwene kwa ise, na vimanyikwiwo Vyake vikuru na nkhangono, vikwenera kutipanga ise wakuzingiziwa. Uwo mbunenesko. Ndipo kukhumba Kwake kutichizga ise na kutiponoska ise, vikwenera kuti wika tose mu kuzingiziwa kuti tifike ku Libwe lira la machirisko. Uwo mbunenesko.

<sup>128</sup> Wonani, usange Florence Nightingale... Mzukulu mulara wa chipondi Florence Nightingale uyo wakambiska Red Cross. Imwe muli kuchiwona chithuzithuzi chake mu buku, waka wa mzitu pafupifupi sate paunzi. Kansa yikamurya iyo. Mu London, England; iwo wakiza nayo kufuma ku Africa, kuruta ku London, England. Ndipo kula mu kuzingiziwa... M'bale



Bosworth wakamulemba ndipo wakamuphalira iyo, wakati, “Ise tingiza yayi ku Africa.”

<sup>129</sup> Iyo wakamuzgora, wakatuma nasi kuti walembe ndipo wakati, “Ine ningayenda yayi. Ine ningachita yayi ichi.”

Wakatiwoneska chithuzithuzi. Imwe muli kuchiwona chithuzithuzi. Ise tikachita kuwikapo kasalu kachoko pa ichi. Ichi chikaŵa waka na kachingwe kachoko kuzingilira. Ine nkhanghanaghana kuti panji munyake, kuwika ichi mu buku, panyake wangasuska chifukwa iyo wakaŵa. . . . thupi lake likaŵa pakweru chomene kula, kuti. . . . ndipo ise tikaŵikapo kanthu kachoko kujara *apa*. Iyo wakaŵa waka na—kachigamba kachoko, kathaulo kumuphimba, kuphimba m’chiwuno chake. Kweni kuchanya uku, kukaŵavye kalikose. Ndipo nanga. . . . Kweni ise tikaghanaghana kuti tikenera kuwikapo kachiduswa kachoko ka pepala na kujambula. . . . kujambula chira. Kujanda ŵanthu awo ŵaliŵe kwima kwa kwenerera mu malingaliro ghawo gha kughanaghana, mwakuti iwo ŵaleke kundisuska ine pa kuwika chithuzithuzi chira mu nyuzi.

<sup>130</sup> Ndipo pamanyuma para dokotala wakayowoya kuti iyo wangayenda yayi, ndipo iyo wakamanya kuti ine ndamkuŵa mu England, iyo wakaŵapempha iwo kuti ŵamuwike iyo pa kasalasala, na kukamukwezga iyo pa ndege, na kwiza nayo ku London, England, na kutuma mlonda ku ndege pambere ŵandarute ku Buckingham Palace, ŵakatuma mulaŵiliri kula kuti wafike na kumurombera iyo. Ndipo iyo wakaŵa kuti wamara chomene mpaka iyo wakatondeka nanga nkhuwoyoya kwa ine. Iwo ŵakachita kukwezga mawoko ghake kuti ŵaŵike ili mu lane.

<sup>131</sup> Imwe mukumanya umo London waliri, ŵasirikali ŵanji ŵa imwe muli kukhalako kula. Nyengo zose kuli nyakhuwinda chomene. Ndipo ine nkhangwada pasi pafupi na windo, ndipo iyo. . . .

Masozi ghakafumanga. Iyo wakakhumbanga kuti. . . . Ine nkhumanya yayi umo iyo wakasangira chinyezi chakukwanira kuti masozi ghafume. Wakaŵa waka viwangwa, chikumba pa ivi; ndipo ghake—marundi ghake muchanya umo mu chiwuno ntha ghakaŵa kujumpha pafupifupi, ghakawoneka kwa ine, ngati pafupifupi ma inchezi ghaŵiri mu usani, panji ma inchezi ghatatu. Misempha yake yikaphapa. Umo iyo wakaŵira wamoyo, ine nkhumanya yayi. Imwe muchiwonenge chithuzithuzi chake pamanyuma.

<sup>132</sup> Ine nkhangwada pasi pafupi na bedi. Sono, iyo wakazingiziwa; kwali ine ndifikenge panji yayi, iwo ŵafikenge nayo iyo, munthowa yiriyose. Ndipo ine nkhafika kusika kula, mtima wane ukazura na chitima, za chipulikano cha wachitima yura, muchoko, chilengiwa pafupi kufwa, ndipo ine nkharomba na mtima wose uwo ine nkhaŵa nawo. Ndipo

para ine nkhati ndayamba kuromba, nkhunda yichoko yikiza, yikadukira pa windo, yikayamba kwenda kukwera na kukhira, kuliranga. Ine nkhanghanaghana kuti yikaŵa yakuchita kuŵeta. Ine nkhaŵa kuti nindafike waka mu England kweni pafupifupi ora, nkhezanga waka kufuma ku chiŵanja kukhiliranga kula. Ndipo ine nkhanghanaghana kuti yikaŵa yakuchita kuŵeta. Ndipo para ine nkhati ndayimilira, ndipo nkhati, "Amen," iyi yikaduka yikaruta.

Ndipo ine nkhayamba kufumba ŵabale, kasi iwo ŵakayipulika nkhunda yira. Ndipo iwo ŵakayowoyanga za iyi, ndipo para ine nkhati ndayamba kuyowoya kuti, "Kasi imwe mwanguwona, icho nkhunda yira yangung'anamura..." Ichi chikayowoyeka, "NTHEURA WAKUTI YEHOVA, iwe ukhalenge wamoyo ndipo ufwege yayi."

Ndipo iyo ngwamoyo muhanyauno. Chifukwa? Kuzingiziwa. Kuzingiziwa kukamutuma mwanakazi kuti wawoneske kwima, kukhala wamoyo panji kufwa. Kuzingiziwa kukanozga ichi kuti iyo wakafika kula nyengo yeneyira ine nkhafikira. Ndipo chikhole kufuma kwa Chiuta, Iyo wakatuma nkhunda, kuti yipereke NTHEURA WAKUTI YEHOVA. Kuzingiziwa!

<sup>133</sup> Para mlongosi, muchekuru Hattie Waldrop wa ku Phoenix, Arizona, iyo wakizanga ku nthowa, mu ungoro wane wakudanga. Dokotala na mfumu wake ŵakizanga nayo iyo; kansa ya mtima. Iyo wakawoneska kwima kwake, mu kuyezganga kufika kula ku ungoro, kweni iyo wakakomwa chomene mwakuti iyo wakaŵa... wakatondekanga kuthuta, ndopa zikanthonyanga mu mtima wake uko kansa yikarya mkati mu mtima wake. Sono, kansa ya mtima! Apo ndi pafupifupi eyitini, virimika nayintini vyajumphu, panyake twente, 1947 ndipo penepapo ichi chikachitikira.

<sup>134</sup> Sono, iyo wakayowoya kwa mfumu wake na dokotala, "Usange ine panyake ndifwiringe mu mzere uwu, mundinyamulire ine kumtunda kula." Kuzingiziwa. Iyo wakazinduka. Ine nkhekayika usange iyo wakafwa; iyo wakayowoya kuti wakafwa. Sono, panyake iyo wakaŵa. Iyo panyake wayipulikenge tepi iyi, imwe wonani. Sono ine—ine—ine... Iyo, iyo wakayowoya kuti iyo wakafwa; ine nkhumanya yayi. Iwo ŵakandiphalira ine, "Kuli mwanakazi wakufwa wakwiza mu mzere." Ndipo para mwanakazi wakati wafika kufupi, iyo wakaŵa wakufwa. Ndipo para iwo ŵakati ŵafika nayo kumtunda kula, Mazgu gha Fumu ghakiza; ndipo ine nkharuta ndipo nkhaŵika mawoko pa iyo, ndipo iyo wakawuka ndipo wakaruta kunyumba, wakwenda. Ichi ndi pafupifupi, ine ndiyowoye kuti, mwakusimikizga, virimika eyitini vyajumphu, ndipo iyo ngwamusuma waka na wankhongono... Iyo wamkuŵa ku Tucson kuti wakakumane nane para ine ndakafika kula. Kuzingiziwa, "Nangauli ine ningafwira pa msewu, ndipouli, kweni imwe murute nane

kusika kula. Iyo wakachizga wanyake, Iyo wandichizgenge ine.” Kukhumba!

<sup>135</sup> Zomerezgani mitima yithu yizuzgike na chitemwa mu dazi ili, ndipo tiwe waneneska, na mu kuzingiziwa. Para pajumpha kanyengo nyengo yiwenge kuti yamara chomene.

<sup>136</sup> Yayiro nyengo yimoza wakaŵa na mwana mwanakazi muchoko uyo wakafwanga. Iyo wakaŵa wakugomezga wa m'mphaka. Iyo wakamugomezga Yesu, kweni iyo wakaŵa na wofi kuzomerezga ichi, chifukwa iwo mbwenu wamusezgenge iyo mu sunagoge. Kweni dokotala wakiza mlenji umoza, ndipo wakuti, “Iyo wakufwa sono.” Kuzingiziwa kukafika. Iyo wakatondeka kuchita, pa udindo wake, kuti wayende na Yesu wa ku Nazarete, chifukwa iyo mbwenu watayenge udindo wake ngati msofi.

Kweni ine nkhumuphalirani imwe, para chinthu chakubuchizga chafika, ichi chikamuponya iyo mu kuzingiziwa. Ine nkhumanya kumuwona iyo wakupenja munjilira wake wa kupharazgira na chisoti, ndipo wakavwara ichi. Apa iyo wakwiza kujumpha mu gulu, kuphapatizganga; uko kukaŵa mwanakazi uyo wakakhwaska waka chakuvwara Chake, na vinyake nthaura, ndipo iwo wose wakachemerezganga. Kweni iyo wakanjira ndipo wakati, “Bwana, mwana wane msungwana wali chigonere pafupi kufwa. Bwana, Bwana, mwana wane msungwana wali chigonere pafupi kufwa, ndipo usange Imwe mungiza waka na kuwika mawoko Ghinu pa iyo, iyo wawenge wamoyo.” O, mwe! Kuzingiziwa kukupangiska iwe nyengo zinyake kuyowoya vinthu, kukupangiska iwe kuchita vinthu. Ichi chikukuwika iwe mu kuchita. Mwana wake mwanakazi wakaponoskeka kwizira mu kuzingiziwa.

<sup>137</sup> Tiyeni tiwe wakuzingiziwa, ngati mwanakazi muchoko yura uyo wakaŵa na suzgo la ndopa. Baibolo likayowoya kuti iyo wakataya ndalama zake zose, mu ng'anga, ndipo kweni iwo wakamuvwira yayi iyo. Iyo wakayambira mu nyengo ya kuleka kwa mapiriyodi, kufika ku kutchutcha, ndipo suzgo la ndopa, ndipo izi zikalekezganga yayi. Iwo panyake wakaguriska munda, nyuru, wakavalo, na chirichose chikaŵako; ndipo kukaŵaye chikamanya kumovwira iyo. Ndipo wasofi wake wakamuphalira iyo kuti waleke kwendakwenda ngati nthaura. Kweni mlenji umoza iyo wakalaŵiska pasi. Iyo wakakhalanga kumtunda mumphepete mwa mronga, kumtunda kula uko kukaŵa munda wake, ndipo iyo wakawona gulu likuru la wanthu lawungana lazingilira Munthu kusika kula, ndipo iwo wakati, “Kasi ntchichi icho?”

Wakati, “Yura ndi Yesu wa ku Nazarete.” Kuzingiziwa kukafika.

Iyo wakati, “Ine ndine wambula kwenerera. Ine—ine... Kweni usange ine ningakhwaska m'mphepete mwa chakuvwara

Chake, ine ndiŵenge makora.” Ndipo iyo wakenda kujumpha msuski waliyose na chinyake chirichose. Kweni pamanyuma iyo wakafika pa nyengo yakuti, iyo wakakhwaska chakuvwara Chake, mu kuzingiziwa.

Ndipo para Iyo wakati wachita, Iyo wakang’anamuka ndipo wakati, “Ndinjani wanikhwaska Ine?” Ndipo wose ŵakakana ichi. Kweni Iyo wakalaŵiska zingirizge. Iyo wakaŵa na chawanangwa chikuru cha Chiuta. Iyo wakaŵa Chiuta; ndipo Iyo wakamusanga mwanakazi muchoko ndipo wakamuphalira iyo kuti suzgo lake lamara. Kuzingiziwa kukamutuma iyo kuchita icho.

<sup>138</sup> Kukaŵa kuzingiziwa uko kukatuma—kukatuma fumukazi ya Kumwera. Iyo wakapulika kuti chawanangwa cha Chiuta chikateŵetanga mwa Solomon. Kuzingiziwa kukamutuma iyo kuchita icho.

<sup>139</sup> Mwa kuzingiziwa! Awo ndi ŵanthu, ngati imwe, ngati ine. Iwo ŵakaŵa ŵakulekana yayi kwa imwe na ine. Iwo ŵakaŵa na mamanyiro ghankhonde. Iwo ŵakarya, na kumwa, na vinyake nthaura, ngati ndiumo ise tikuchitira, ŵakakhala umoyo ndipo ŵakafwa. Iwo ŵakaŵa ŵanthu.

<sup>140</sup> Ichi chikamutuma iyo mu kuzingiziwa kwantheura mpaka iyo wakatorapo gawo la ufumu wake. Ichi chikamutuma iyo ku malo mpaka iyo wakaghanaghanako yayi za ŵa Ishmaeli awo nthena ŵakamuphanga katundu iyo mu chipalamba, madazi ghake nayinte pa msana wa ngamila kujumpha Chipalamba cha Sahara. Kuzingiziwa! Iyo wakuruta, munthowa yiriyose. Ndipo para iyo wakati wafika kula, kukaŵavye chirichose chikabisika kwa Solomon kweni kuti iyo wakamuphalira iyo vinthu ivyo iyo wakakhumbanga kumanya. Kuzingiziwa! Yesu wakati, “Iyo wazamuwuka mu Dazi la Cheruzgo, na muwiro uwu, na kuwusuka uwu, chifukwa mukuru kuruska Solomon wakaŵa pano.” Kuzingiziwa!

<sup>141</sup> Mu kujara ine panyake ndiyowoye ichi. Kale chomene yayi, kusika ku Mexico, ine nkhwona chinyake chakuwoneska kuzingiziwa. Ine nkhwafika waka ku guwa, kula mu stedyamu yikuru, ndipo ŵanthu ŵakaŵa mwenemula kufuma nayini koloko mlenji ula, ndipo yikaŵa pafupifupi teni koloko usiku ula. Mwanarumi mulara wa chiburumutira, usiku wa juzi, wachiburumutira mweneko pafupifupi virimika sate, wakapokera kulaŵiska kwake, ndipo wakendendekanga mu msumba dazi lira, kuchitiranga ukaboni. Mulu wakale wa vyakuvwara, wawunjikana pakunji mayadi sate, fote, kupholika *ntheura*, mashawelo waka ghakale. Panyake pakaŵa ŵanthu fote, fifite sauzandi kula. Ndipo visoti vyakale na mashawelo, awo vikaŵa vyawo, ine nkhusachizga iwo ŵakachita kupenjerezga pakati pawo. Ndipo vura yikarokwanga waka.

<sup>142</sup> Ndipo iwo wakachita kundikhizgira pasi ine na chingwe, kuwenuka chiliwa, ndipo ine nkhafika pa gome. Mupharazgi... Mwanarumi uyo wakhala muno, iwo wakiza nayo iyo... Iyo na mwana wake mwanakazi wafika kufuma ku Michigan maminiti ghachoko ghajumpha, wakayowoya za M'bale Arment. Ise tikumukumbukira iyo kuno. Iyo wali pa misewu ya ku Uchindami usiku uwu. M'bale Arment wakaŵako kula, ndipo wakavura khoti lake, ndipo wakimilira mu vura, ndipo wakapereka ichi kwa M'bale Jack Moore kuti wavware, chifukwa Jack wakanjenjemeranga. Wa Kumwera wakakhala pachoko komilira mu vura yakuzizima yira kula mu Mexico. Ndipo iyo wakimilira kula.

<sup>143</sup> Ndipo Billy Paul wakiza kwa ine, mwana wane mnyamata, ndipo wakati, "Adada, imwe mukwenera kuti muchitepo chinyake. Kuli mwanakazi muchoko wa ku Mexico kusika kula wali na mwana uyo wangufwa mlenji uwu. Ine ndirije wateŵeti wakukwanira kuti wamufumiskepo iyo pa mzere." Usange kuwika mawoko pa mwanarumi wa chiburumutira yura kukamupa iyo kulaŵiska kwake, kuwika mawoko pa mwana wake wakufwa kuperekenge kwa iko umoyo wake. Iyo wakaŵa wa Katolika. Ndipo, iyo, iwo wakatondeka kumujanda iyo.

Ndipo M'bale Espinoza na iwo wakamuphalira iyo kuti, "Ise tirije makadi ghanyake gha mapemphero. Iwe ukwenera kuti ulindizge mpaka usiku unyake."

<sup>144</sup> Iyo wakati, "Mwana wane wafwa. Iyo wangufwa mlenji uwu. Ine nkhwenera kuti ndinjire umo." Ndipo iyo wakizanga, kadi la pemphero panji yayi. Ndipo iwo wakatandika pakunji wateŵeti pafupifupi firi handiredi kula. Ndipo iyo wakamanyanga kuporota nkhanira mu nthangalaro zawo, na kuduka nkhanira pachanya pa misana yawo, na kuchimbira na mwana wakufwa uyu, na kuwa pasi pakati pawo. Chikapanga mphambano yiriyose yayi kwa iyo; iyo wakayezganga kuti wafike kula. Iyo wakazingiziwa. Chiuta wakayowoya ku mtima wake, kuti, "Chiuta uyo wakamanya kupereka kulaŵiskaso, wangamanya kupereka umoyo." O, mwe! Iyo wakazingiziwa. Chinyake chikagoleranga mwa iyo.

<sup>145</sup> O, mwaŵanthu warwari, usange imwe mungazomerezga icho chigolere mwa imwe pa maminiti ghachoko, ndipo muwone icho chikuchitika, mtundu ula wa kuzingiziwa. Chiuta uyo wakamanya kuchizga mnyamata muchoko uyu usiku unyake, wakamanya kuchizga dona yura wali na kansa, wangachizga mwanarumi uyu, na kuchita ichi, Miss Florence Nightingale, o, makhumi gha masauzandi! Iyo, kuti, ukaboni wambula kususkika; kuwuska wakufwa, na kuchizga warwari, na chinyake chirichose. Usange Iyo ndi Chiuta, wangachita icho; Iyo ndi Chiuta mayiro, Iyo ndi Chiuta muhanyauno. Fikani pa kuzingiziwa, pamanyuma imwe chinyake chimuchitikireninge.

<sup>146</sup> Ntheura, mu kuzingiziwa kula, iyo wakarutirira kwenda mwakufulumizga. Ine nkhayowoya kwa M'bale Jack Moore, ine nkhati, "Iyo wakundimanya yayi ine. Iyo wali kundiwonapo yayi ine. Iyo wakumanya yayi kasi ndinjani uyo wali apa pa gome. Mwanakazi muchoko yura wa Katolika, sono, wakamanyanga yayi kuyowoya Chingerezi, ntheura pamanyuma kasi iyo wamanyenge uli kasi uyu ndinjani?" Ine nkhati, "Ruta kwenekula, ndipo ukamurombere mwana, ndipo icho chimukhoromweskenge iyo, ndipo iyo warutenge." Wakati, "Ndipo ichi nthā chipangiskenge. . ." Kukaŵa waka chiwawa chakurutirira kusika kula. Iyo wakamanyanga kudukira muchanya, ndipo waliyose wakachemerezganga. Iyo wakamanyanga kuchimbira nkhanira kuŵenuka muchanya mu mapewa ghawo, na kuwa nkhanira pasi pakati pawo. Iyo wakamanyanga kwenda masitepu ghachoko kunthazi, ndipo mbwenu iwo ŵakayezganga kumuguzira kumanyuma iyo; ndipo apa iyo mbwenu wakamanyanga kuporota mu nthangaloro zawo, wakolera mwana uyu, kutimbanizga ŵateŵeti na chinyake chirichose. Chikapanga mphambano yiriyose yayi, iyo wakarutanga kumtunda kula. Iyo wakenera kuti wafike kula! Ichi chikupanga mphambano yiriyose yayi kuti kasi ichi chikaŵa chivichi, iyo wakagamura kuti wamkufika kula. Tikaŵa na mupharazgi. . .

<sup>147</sup> Sono kasi iyo ndi nkhani yira yayi ngati ya mwanakazi wa ku Sunemu? Kweni, chira chikaŵako virimika sate-fayivi handiredi yayi. Icho chikaŵako pakunji virimika firi sauzandi vyajumpha, panji vinayi. Mukuwona?

Iwo ŵangamanya kuŵa chinthu chenechira usiku uwu. Para kuzingiziwa kwa nthena kula kwafika, kuponyenge chitemwa na chipulikano kumtunda kula ku malo ghankhondo, kuti murombe icho imwe mukukhumba, chifukwa ndi phangano la Chiuta kuti imwe mungamanya kuŵa nacho ichi. Uwo mbunenesko ndendende.

<sup>148</sup> Ine nkhang'anamuka; ine, mupharazgi, panji muneni pa malo. Ine nkhang'anamuka. Ine nkhamuchitira chitima mwanakazi, kweni palije kuzingiziwa. Mukuwona? Ine nkhang'anamuka ndipo nkhanghanaghana, "Enya, M'bale Jack wamuromberenge iyo, ndipo icho—icho chikukhazikiska ichi." Ine nkhang'anamuka. Ine nkhati, "Apo ine nkhayowoyanga sono, chipulikano. . ."

Ndipo ine nkhalawiska kuwaro kula, ndipo kukaŵa mboniwoni. Ine nkhwona bonda muchoko wakhala apo, chisko chifipa pachoko, bonda wa ku Mexico wambula mino. Uyu wakandisekereranga ine, wakakhala kuwaro uko. Ine nkhati, "Lindizgani miniti pera. Lindizgani miniti pera." Kuzingiziwa kwake kukatuma Mzimu Mutuŵa kuti ndisinthe chisambizgo chane, kusintha maso ghane ndipo wakandiwoneska ine bonda wake wakakhala apo. Chira chikatuma Mzimu. Ine nkhati,

“Lindizgani miniti pera. Lindizgani miniti pera. Zanninge nayo bonda.”

Apa iyo wakwiza na lichoko, lakuzumbwa, lakusulura, bulangeti lablu na lituwa, muchoko, kawonekero kakufwa pakunji mutali *ntheura*. Iyo wakawa, wali na mphinjika mu woko lake, panji korona, kuti wayowoye ivi “monire Mariya.” Ine nkhamuphalira iyo, “Reka icho, icho ntchakukhumbikwira yayi.”

Ndipo iyo wakiza kufupi uko ine nkhaŵa, ndipo iyo wakalira na kuchemerezga, “Padre,” icho chikung’anamura, “Abambo.”

Ine nkhati, “Kuyowoya ntheura yayi. Kuyowoya ntheura yayi. Kasi iwe ukugomezga?” Ndipo iyo wakayowoya mu Spanish kwa iyo, kasi iyo wakugomezga.

“Enya,” iyo wakugomezga. Iyo wakamufumba iyo kasi iyo wakugomezga uli. Iyo wakati, “Usange Chiuta wangapereka kwa mwanarumi mulara yura kulaŵiska kwake, iyo wangamanya kumupa bonda wane umoyo.” Amen. Kuzingiziwa kukamutuma iyo ku ichi. Chirichose yayi kwa ine; ine nkhawona waka mboniwoni.

Ine nkhati, “Fumu Yesu, ine nanguwona mboniwoni ya bonda muchoko, panyake wangaŵa uyu.”

Pafupifupi nyengo yira iyo wakabafura marundi ghake, kuti, “Wha! Wha! Wha!”

Ine nkhati, “Rutani nayo kwa dokotala. Mukatore chikalata kwa dokotala, ‘Bonda uyu wakafwa.’” Ndipo ichi... dokotala wakalemba kalata, “Kuthuta kwa bonda yura, mtima wanguleka mlenji uwu, mu ofesi yane pa nayini koloko, wakafwa na chilaso kuŵiri.” O, bonda ngwamoyo mu Mexico usiku uwu, umo ine nkhumanyira. Chifukwa? Kuzingiziwa kukanjira mu mtima wa mama muchoko, kuliriranga mwana wake, uyo wakawona Chiuta wakuchita... wakuchizga maso gha mwanarumi wachiburumutira, ndipo wakamanya kuti Iyo wawuskenge bonda wakufwa.

<sup>149</sup> Kuzingiziwa! “Para imwe mukundipenja Ine na mtima winu wose, ntheura ine ndimupulikeninge imwe.” Mukuwona?

<sup>150</sup> Ufumu! “Dango na ŵaprofeti vikaŵako mpaka pa Yohane. Kufumira nyengo yira, Ufumu wa Kuchanya uli kupharazgika, ndipo munthu wakuphapatizga kunjira mu Uwu.” Imwe ntha mukwimilira waka kufupi na kuti, “Ndinyamuleni ine pa kundikora pa phewa, Fumu, mundinjizgemo ine.” Imwe mukuphapatizga kunjira mu Uwu. Imwe mukufika pa kuzingiziwa, pakatikati pa Umoyo na nyifwa.

<sup>151</sup> Nakhumbanga nthena nanguŵa na nyengo kuti ndiyowoye nkhani yinyake, iyo ine naghanaghana sono nthena, ya mwanakazi, msungwana, wakenda misewu yiheni, na umo

iyo wakasinthira vichitochito na vinthu, mpaka ine nkhati, “Mlongosi . . .”

Iyo wakanyamuka ndipo wakati, “Ine—ine nkhugomezga kuti ndiŵenge makora.”

Ine nkhati, “Yayi, yayi! Khala kwenekuko.”

Ndipo pamanyuma, chinthu chakudanga imwe mukumanya, iyo wakayamba kuromba pachoko waka, ndipo pamanyuma iyo wakafika pa kuchemerezga na kuchemerezga. Pakati pajumpha kanyengo iyo wakafika pa kuzingiziwa, wakati, “O Chiuta, ndiponoskeni ine!”

<sup>152</sup> Bungwe la Vyauloŵevu likatondeka kumazga ichi. Kukaŵavye chinyake chikamanya kuchita ichi. Kweni ghakuru ghara, maso ghafipa ghandilaŵiska ine, ndipo masozi ghakakhiliranga mu matama ghake; iyo wakati, “Chinyake chachitika.” O, enya! Enya, bwana! Chinyake chikachitika. Iyo wakazingiziwa.

<sup>153</sup> Tiyeni tifike pa kuzingiziwa za ichi; pakatikati pa nyifwa na Umoyo.

<sup>154</sup> Usange iwe ungafika yayi pa kuzingiziwa, kwizira mu uwu yayi. Usange iwe wafika pa kuzingiziwa, zanga kuno ndipo wona, iwe—iwe upokerenge ichi malinga iwe wafika waka apa.

<sup>155</sup> Tiyeni tirombe. Mu kuzingiziwa penjani Ufumu wa Chiuta, Uwu ufikenge pa imwe.

<sup>156</sup> Ŵadada ŵithu Ŵakuchanya, ine nkhumurombani Imwe mu Zina la Yesu, mutichitirenge lusungu ise, Fumu. Ndipo yambiskani mwa ise kuzingiziwa. O Fumu Chiuta, mutichitire lusungu ise, ine nkhuromba, ndipo zomerezgani ŵanthu ŵamupenjeni Imwe usiku uwu na mitima ya kuzingiziwa. Ise tikumanya kuti Imwe muli muno, Fumu. Imwe ndimwe mweneyura mayiro, muhanyauno, na muyirayira.

<sup>157</sup> Ndipo sono mphanyi ŵanthu aŵa awo ŵali na Chikhole, kuti iwo ŵajumpha nyifwa ŵafika ku Umoyo, iwo ŵasintha kufuma ku umoyo wakale wa charu kufika ku uphya. Iwo ŵachita. Ndopa zagwiriskika ntchito; ndipo, Chiuta, ŵapeni iwo chimanyikwiro cha Chikhole. Mphanyi iwo ŵanyamule Chikhole icho mu mawoko ghawo, iwo ŵeneawo mbarwari, ŵayowoye, “Ine ndine katundu wakugurika wa Chiuta. Ine ndiri mwa Khristu, ndipo mwa Iyo mulije urwari. Ine ndiri mwa Khristu, ndipo mwa Iyo mulije kwananga. Ine ndiri mwa Khristu, ndipo mwa Iyo mulije kuwura kugomezga. Ine nkhekana chirichose icho devulu wali kundiphalira ine. Ine nkhorta Chikhole chane kuti wane . . . ‘Iyo wakavulazika chifukwa cha kwananga kwane; Iyo wakapwetekeka chifukwa cha uchikana marango wane; chilango cha mtende wane chikaŵa pa Iyo; ndipo na vitimbo Vyake ine nkachizgika.’ Ndipo sono ine ndiri na Chikhole, kuti Chiuta wandiwumbaso ine, chirato icho, Munthu, wakugurika



na Ndopa za Fumu Yesu. Ndipo ine ndiri na Chikhole cha nyifwa Yake mu mawoko ghane, chifukwa Iyo wali kuwukaso, ndipo ine ndiri Wake ndipo Iyo ngwane. Ine nkhwenda na chipulikano chakufikapo, mwakuti kufuma ku usiku uwu na kunthazi, ine nkugomezga Chiuta, ndipo ine ndichizgikenge para ine ndafika kula na kupanga vyakukhumbikwa.”

Chifukwa, Mazgu ghaumaliro agho ghakafuma mu milomo Yake, ghakawa ichi, “Usange iwo wawika mawoko pa warwari, iwo wachirenge.” Perekani ichi, Fumu. Mphanyi kuzingiziwa kwangunjira, pakuti ine nkhuromba ichi mu Zina la Yesu. Amen.

Nkhumanya, ine, nkugomezga;  
Nkhumanya, ine, nkugomezga;  
Nkhumanya, ine, nkugomezga  
Kuti Yesu wandichizga ine sono.

O, nkhumanya, ine, nkugomezga;  
Nkhumanya, ine, nkugomezga;

Ghanaghanani waka, “Ine ndasimikizga!”

Nkhumanya, ine, nkugomezga  
Kuti Yesu wandichizga ine sono.

<sup>158</sup> Imwe mukugomezga icho? [Gulu likuti, “Amen.”—Munozgi] “Ine ndasimikizga! Ine ndasimikizga, mwa uchizi wa Chiuta, kuti ine ndilekezgenge yayi mpaka Chinyake chira chindikwaske ine. Ndipo ine nkhuwona kula kuti wakawike mawoko pa ine.”

Sono, Chiuta wandatondekepo. Ndipo ine nkugomezga Ng’anga yikuru yiri pafupi sono. Ine nkugomezga Chiuta uyo wakalemba Mazgu, ine nkugomezga Chiuta uyo wakapereka sembe, ine nkugomezga Chikhole cha Chiuta icho chikutitozga ise ku kwananga usiku uwu, Chikhole, Umoyo Wake Yekha, chiri muno na ise. “Ine ndizamkuwa namwe, nanga nkufika ku umaliro wa charu. Kanyengo kachoko ndipo charu chindiwonenge yayi Ine, kweni imwe muzakundiwona Ine, pakuti Ine ndizamkuwa na imwe, nanga ndi mwa imwe, kufika ku umaliro wa charu.” Imwe mukugomezga icho? [Gulu likuti, “Amen.”—Munozgi] Ine nkugomezga mwa Iyo. Ine nkugomezga kuti Iyo wachitenge ichi. Mukugomezga yayi imwe? [“Amen.”]

<sup>159</sup> Sono, para ine ndayamba waka icho, ine nkhuwona mboniwoni zikuwoneka, amen, mboniwoni zikuru za Fumu, kuyowayanga vintu vikuru. Amen! Usange ine ndayambako icho, ise tiwenge muno usiku wose. Mugomezgenge ichi? Kasi imwe mukugomezga? Amen! Ine nkugomezga ichi na mtima wane wose.

<sup>160</sup> Dona muchoko wakhala kuwaro uko kufumira kwa M’bale Palmer, iyo ndi mlendo kwa ine. Iyo wakufumira ku Georgia,

ndipo iyo wakusuzgika na suzgo la wanakazi. Usange iyo wagomezgenge kuti Chiuta wamuchizgenge iyo, Iyo wachitenge ichi. Ine ndiri kumuwonapo yayi mwanakazi mu umoyo wane, kweni ilo ndilo suzgo na iyo.

<sup>161</sup> Mwanakazi muchoko yura, ine nkhumanya yayi kwali iyo wakapulikapo Uthenga kale, panji yayi, kweni apo ine ndapharazganga muno, ine nangumuwona iyo. Iwe gomezga waka ichi ndipo wona usange uwo mbunenesko. Amen. Usange iwe ugomezgenge waka! Uwo mbunenesko.

<sup>162</sup> Dona wakhala nkhanira kumanyuma kuno wali na suzgo la msana, wakusuzgika chomene, zina lake ndi Mrs. Wisdom. Usange iwe ugomezgenge na mtima wako wose, Yesu Khristu wakuchizgenge iwe. Ine ndiri kumuwonapo yayi mwanakazi mu umoyo wane, kweni iyo wakhala apo, wakusuzgika. Iyo wavwara diresi la yelo. Ndi unenesko uwo? Viri makora. Kasi ndise walendo kwa yumoza na munyake? Enya. Viri makora, bwana. Iwe rutanga kunyumba, ukakhale makora. Yesu Khristu wakukuchizga iwe. Amen.

<sup>163</sup> Mwanakazi munyake uyo wachikora waka icho, suzgo la msana, wakhala kudera uku. Iyo wali na suzgo la msana. Iyo wali na mnyamata, ndipo iyo wali na suzgo la mutu. U-nhu. Uwo mbunenesko. Mrs. Parker ndilo zina lake. Iwe gomezga na mtima wako wose, ndipo Yesu Khristu wamuchizgeninge mose mwaŵiri. Amen! Imwe ndimwe walendo kwa ine. Uwo mbunenesko nadi. Amen! Gomezgani na mtima winu wose.

<sup>164</sup> Apa pali mwanarumi mulara wakhala kumanyuma uku wafumira ku Michigan. Iyo wali na suzgo mu makutu ghake. O, iyo wakughanaghana vyakuyowoya, suzgo lauzimu. Ndi unenesko uwo? Iwe ukugomezga kuti—kuti...Iwe ukumanya yayi kwali ichi ndi Chiuta, panji kasi ntchichi icho chikuyowoya kwa iwe. Iwe ukupulika viwawa mu makutu ghako. Ine ndine mlendo chomene kwa iwe. Usange uwo mbunenesko, kwezga muchanya mawoko ghako, ndipo icho ndicho chikuchitika. Ichi chizamkusuzgaso yayi iwe, Yesu Khristu wakukupanga iwe wamusuma.

Kasi imwe mukuyigomezga Ng'anga yikuru? [Gulu likusekerera ndipo likuti, "Amen."—Munozgi]

<sup>165</sup> Ine nkhuumba kuti ndiyowoye kwa iwe, kweni, wafumira ku Norway, ndipo iwe ukupulikiska yayi; chiyowoyero cha ku Norway. U-nhu. Viri makora, muphalire iyo kuti warute kunyumba, gomezganga, mlongosi, usange iwe ukumanya kuyowoya ichi. Muphalire iyo kuti suzgo lake la mutu limarenge. Sono, imwe mukumanya kuti ine nkhumumanya yayi iyo. Iyo wafika kuno kufuma ku Norway, kuti wazakarombereke. Rutanga, munthu wakuchizgika. Amen.

<sup>166</sup> O! "Yesu Khristu mweneyura mayiro, muhanyauno, na muyirayira!" Kasi ntchichi ichi? Ndi Lawi lira la Moto.

Ndi Mzimu Mutuŵa. Ndi Chikhole chira, kuti Yesu Khristu ngwamoyo. Ndipo para ŵanthu, kale chomene, ŵakamuwona Iyo wakuchita vinthu vira, Iyo wakaghamanya maghanoghano ghawo chifukwa Iyo wakaŵa Mazgu. “Ndipo Mazgu ngakuthwa kuruska lupanga lakuthwa kuŵiri, ndipo ghakusanda maghanoghano na madazgo gha mtima wawo.” Amen.

<sup>167</sup> Ine nanguwona maji ghakuthwanima, ndipo dona muchoko yu wizanga. Iyo wakapulika, ndipo wakaŵazga buku kudera kula, ndipo likalebeka, mu cha ku Norway. Iyo wakapulikiska; munyake wakayowoya kwa iyo. Iyo wali na suzgo, kweni, usange iyo wagomezenge na mtima wake wose, Fumu Yesu yimuchizenge iyo. Iyo wayenda kufuma kutali, ndipo mwana wachitima, pa ula, kuyezganga kuphapatizga kuti wanjire. Ndipo ise tiŵikenge mawoko pa iyo, mu miniti pera.

<sup>168</sup> Kasi imwe mukugomezga? [Gulu likuti, “Amen.”—Munozgi] Amen! Mwe kunozga! O, mwe! “Ng’anga yikuru sono yiri pafupi!” Mlongosi, kasi Mlongosi Ungren yura walinkhu, na mlongosi munyake yura pa piyano? Ine nkhuumba kuti imwe mufike mwaluŵiro, usange imwe mungachita, ndipo mutipe sumu ise, “Ng’anga yikuru yira sono yiri pafupi, Yesu wachisungusungu.”

<sup>169</sup> Ine nkhuumba ŵanthu awo ŵali chigaŵa ichi *uku*, awo ŵakukhumba kuti ŵarombereke, mwakumupemphani zaninge kudera *uku*, chigaŵa waka chimoza pa nyengo yimoza. M’bale Neville, iwe chita icho usange iwe ungafiska. Kasi M’bale Capps walinkhu panji yumoza wa ŵarongozgi ŵa sumu ŵara? Kasi walinkhu M’bale Ungren, panji M’bale Capps, panji munyake, wafike kuno, wazakayimbe, watirongozge ise mu sumu iyi usange iwe ungachita. Kasi M’bale . . . Kasi walinkhu yumoza wa ŵabale ŵara? Viri makora. Viri makora, bwana, icho ntchiweme. Viri makora. Waliyose mu kuromba!

<sup>170</sup> Kumbukirani, kuzingiziwa! Mukuwona icho kuzingiziwa kuchitenge? Kuzingiziwa kumutumeninge imwe kuti mwambuke nyanja. Kuzingiziwa kumutumeninge imwe kufuma ku chigaŵa chinyake. Kuzingiziwa kumutumeninge imwe kulikose. Dada mulara muweme na mwana wake mwanakazi, na kuzingiziwa, ŵakayezga kuti ŵanjire, kunjira, chinyake chirichose, ndipo ŵakakhala pasi munthowa yiriyose; nyengo zichoko zajumphu Mzimu Mutuŵa wangupereka chinthu muno mu ungoro, pambere ine nindafike waka kuno. O!

Sumu yiweme iyo yikimbikapo,  
Yesu, wakatumbikika Yesu.

Sing’anga mukuru sono wali pafupi,  
Wachisungusungu . . .

Fumu Yesu, perekani, pulikani kuromba kwa muteweti Winu, Fumu. Ine nkhuromba kuti Imwe mukumanenge na

waliyose wa aŵa na kuŵachizga iwo, ku Uchindami Winu, mu Zina la Yesu.

. . .lizgu la Yesu.

Mazgu ghaweme mu sumu ya mungelo,  
Zina liweme pa lilime la munthu,  
O, sumu yiweme yikimbikapo.

Ŵarekani iwo ŵeneawo mbakuzingiziwa sono, imwe mukumanya nadi kuti imwe muchirenge. . .Ghanaghanani waka, umo ine nkhumanyira, wose ŵakachira, kufuma pa Sabata yamara usiku, ŵakachira sabata iyi.

Wachisingusungu. . .

<sup>171</sup> Wonani, Iyo wakwiza. Wonani, Iyo wamuchizgani kale imwe. Iyo wakwiza na Mazgu Ghake, Iyo wakukhozgera Ichi, Iyo wakuwoneska Kuŵapo Kwake. Kulije munthu wangachita vintu iyyo kuwaro kwa Chiuta. Imwe mukumanya icho. Ndi chimanyikwiro cha Mesiya. Ndipo imwe mukumanya ine ndine Mesiya yayi, nthaura ndi Iyo. Sono apa Iyo wasimikizgira chirichose kwa imwe.

Sono ichi chikwenera kuti chimuŵikeni imwe mu kuzingiziwa. Ichi chikwenera kuti chipereke kuŵara ku malo agha na kukhwaska a. . .Yayi, kuŵa waka ngati a—a—a—tchisa ku payipi ya wonga. Nadi! Ndipo ichi chikwenera kuti chiphuliske chipulikano, na—na chitemwa ndipo kuzingiziwa kutumenge ŵanthu ŵara kunjira mu Ufumu wa Chiuta, kuti ŵagomezge na mtima wawo wose. Kasi imwe mukugomezga sono, waliyose wa imwe? [Gulu likuti, “Amen.”—Munozgi] Viri makora. Sono, Billy, iwe utore a. . .

<sup>172</sup> Tony, laŵiska kuno kwa ine miniti pera. Ine nindakuwone iwe pa nyengo yitali, kweni ndiwe murwari. Iwe ukusuzgika na chinyake ngati chigwewu. Uwo mbunenesko. Ichi chimarenge. Ichi chikulekenge iwe. Ine nanguchiwona chinthu icho chikumurondezga iyo, apo iyo wangwambako kujumpha kula. Kulije chinthu chingabisika kwa Chiuta sono nthena. Ine nindamuwone. . .Ine nindamuwone Tony pa myezi, ine nkhusachizga, kweni ine nkhuwona kuti iyo wali nalo ilo. Iyo wakawa nalo ili; iyo waliye sono.

<sup>173</sup> Tiyeni tisindamiske mitu yithu. Ntha liŵepo jiso limoza liŵe lakujurika. Ntha liŵepo jiso limoza liraŵiskenge. Tiyeni waliyose waŵe mu kuromba. Ndipo Billy Paul panji M’bale Neville, yumoza, wachemenge chigaŵa chakurondezgako para nyengo yakwana. Sono waliyose waŵe mu kuromba. Ise tiyezgenge sono; mzere wa pakatikati wizirenge ku chigaŵa cha ku woko lako lamazere para imwe mwachemeka, ndipo nthaura chichitenge a—chigaŵa cha kudera la woko lamazere *uku* ŵizirenge kulwande la ku woko lako lamazere para imwe mwachemeka. M’bale Neville wamuchemeninge imwe.

Sono, nkhumanya yayi usange w̄alipo w̄abale w̄anyake muno awo w̄angatemwa kuti w̄ayimilire kuno kuti tiw̄ike mawoko pa w̄anthu āwa apo iwo w̄akwiza, na ine? Waliyose wa imwe w̄abale w̄apharazgi, imwe ndimwe w̄akupokerereka kuti mwize na kuyima nane usange imwe mukukhumba kuchita ichi. Ndi chinthu chakuti tikuchita kumusankhani yayi. Imwe muli nawo wanangwa wa kurombera w̄arwari kuyana waka umo ine ndiliri.

Ine nkhumanya kuti Mzimu Mutuwa wali muno. Munyake uyo wangagomezga yayi icho, pali chinyake chakwanangika na iwo.

<sup>174</sup> Viri makora, tiyeni tigomezge sono na mitima yithu yose, kuti Chiuta wapereke vinthu ivi ivyo ise tikurumba. Muwe na chipulikano sono. Kukayika yayi.

Ndipo waliyose warombere, yumoza na munyake. Kasi Baibolo likayowoya vichi? “Tivumbulirane kwananga yumoza kwa munyake; romberenani yumoza na a . . .”

<sup>175</sup> Ndipo mwa w̄anthu imwe mukwiza mu mzere, para mawoko agha ghamukhwaskani waka imwe, imwe mufumepo apa w̄akukondwa waka na kumurumbanga Chiuta kuti imwe mwachizgika.

Viri makora, waliyose mu kuromba sono apo M'bale Capps wakurongozga sumu.

Fumu Yesu, sono tiwireni ise. Ine nkhuromba, kwizira mu Zina la Yesu Khristu, kuti Mzimu Mutuwa wakhwaske munthu waliyose, ndipo nkhuromba iwo w̄achizgike apo ise tikurondezga marango Ghinu pa kuchita kuw̄ika mawoko pa w̄arwari. Imwe mukati, “Iwo w̄azamuchira.” Ise tikugomezga ichi, Wadada, mu Zina la Yesu. Amen.

Viri makora, waliyose mu kuromba sono apo ise tikwamba kuromba. Wakudanga, ndi mnyamata muchoko mu mpando wakuchita kutchika.

Nkhuw̄ika mawoko pa mwana, mu Zina la Yesu Khristu, mwakuti panyake iyo wangachizgika.

Enya, bwana.

Mu Zina la Yesu Khristu . . . [M'bale Branham na w̄apharazgi w̄akuw̄ika mawoko pa iwo mu mzere wa pemphero pa maminiti eyitini, kweni malurombo ngakachetechete. Gulu likuromba ndipo likurutirira kwimba *Sing'anga Mukuru*—Munozgi]

Sumu yiweme yikimbikapo,  
Yesu, wakutumbikika Yesu.

<sup>176</sup> Kasi mbalinga wa imwe mukugomezga kuti Chiuta wachita, imwe mwakhorwa mu mtima winu, na chisimikizgo chakukhora, kuti Chiuta wazgora pempho linu chifukwa chakuti imwe mwapulikira Mazgu Ghake? Ichi chachitika. Ichi chamara. Ichi

ndi—ichi chachitika. Mugomezgeni Iyo na mtima winu wose, kuti iyi ndi ntchito yakumalizgika.

<sup>177</sup> Sono woneseskani sabata iyi, ndipo para imwe mukwizaso, wonani icho chachitika.

<sup>178</sup> Ine nkhusachizga, kufika nyengo yinyake para ine nkhwizaso, para Fumu yazomerezga, ine ndizamupanga mzere wa pemphero mu chimoza cha vipinda ivi, mu chipinda chichoko chira uko ine ndamkuŵaŵika iwo, imwe wonani. Ine nkhuomezga ichi chikuvumbukwa sono, imwe wonani, ora.

<sup>179</sup> Ine nkikhumba kuti ndifike ku nyengo uko ine ningamanya kuŵatora ŵanthu yumoza pa nyengo, kuchita na iwo payekhapayekha, mpaka ine nifufuze na kuchisanga ichi, ndipo pamanyuma kurutirira ngati ntheura, mpaka ine ndikhale nkhanira na iwo pa nyengo yira.

<sup>180</sup> Chiuta wamutumbikeni mose. Ise ndise ŵakukondwa chomene kuti mwanguŵa kuno. Kasi imwe muli na. . . Kasi imwe mwasimikizga sono? Kasi imwe. . . Kasi imwe muli mu kuzingiziwa, kuzingiziwa kwinu uko imwe mwanguŵa nako kwa machirisko ghinu? Kasi chose ichi chamara sono, mu chitemwa na chipulikano na chigomezgo kuti Chiuta wachitenge icho Iyo wakalayizga kuchita? [Gulu likuti, “Amen.”—Munozgi] Chiuta wachitenge.

Kufumira pa ŵana ŵachokoŵachoko ŵara, pali ŵawiri panji ŵatatu ŵa iwo muno usiku uwu, mu mipando yakuchita kutchika, ine. . . Ise tiŵagomezgerenge iwo, iwo ndi ŵana, kuti iwo ŵachirenge, nawoso. Iwo ŵawenge makora. Mukugomezga yayi imwe ichi? [Gulu likuti, “Amen.”—Munozgi] Amen! “Iwo ŵachirenge.” Iwo ŵakwenera kuti ŵachite ichi. Chiuta wakayowoya ntheura. Ndipo ise tazingiziwa, ndipo tigomezgenge ichi sono, kuti ichi chichitikenge.

<sup>181</sup> Sono, visopo vithu vikuŵa waka nkhanira na chinthu chimoza pamanyuma pa chinyake. Sono ise tilifumiskenge gulu kwa iwo ŵeneawo ŵakwenera kuti ŵarutenge. Ndipo kulaŵiska kuweme umo ine nkhuwonera, iyi yakhala maminiti eyiti kuti yikwane teni koloko. Ndipo, usange imwe murutenge, ise—ise ndise ŵakukondwa kuti mwanguŵa kuno, ndipo ise tikukhumba kuti imwe mukizeso na kuzakaŵa nase. Mwaŵanyake mose ŵa imwe, para ise tayimilira, tikhalengeso pasi; ndipo iwo ŵeneawo ŵakuruta, rutani waka mwakachetechete umo mungachitira. Ndipo pamanyuma ise tiŵenge na chisopo cha monesko pamanyuma pa icho. Imwe mukuchemeka kukhalira usange imwe mungachita. Usange imwe mungachita yayi, Chiuta wamutumbikeni imwe. Mundirombere ine. Ine ndimurombereninge imwe. Ndipo, kumbukirani, khalani na Chikhole, ndipo muŵe ŵakuzingiziwa kuti muphapatizge kuruta ku Ufumu wa Chiuta. Amen!

Sono ise tiyimbenge sumu yithu yakujalira, usange ise tingachita, ndipo, *Yeghani Zina la Yesu Na Imwe*, apo ise tikwimilira.

... Zina la Yesu na imwe,  
Mwana wa chitima na wasoka;  
Likupenge chimwemwe na chipembuzgo...  
(Imwe mungamanya kwiza nawo sono.)  
... kose uko mukuruta.  
Zina lakuzirwa, Zina lakuzirwa! O kunowa, O  
kunowa!  
Chigomezgo cha charu na chimwemwe cha  
Kuchanya;  
Zina lakuzirwa, O kunowa, mwe kunowa!  
Chigomezgo cha charu na chimwemwe cha  
Kuchanya.

Koranani chasa yumoza na munyake, yowoyani, “Fumu yikutumbike iwe, m’bale, mlongosi wane mwenda nthowa.”  
Mwakufikapo, mwakugomezgeka, mwantchindi, ndipo wabwezi Wakhristu mu kukoleranako kwa wenenawene, koranani chasa yumoza na munyake, m’bale na mlongosi. Chiuta wamutumbikeni mose, pamoza. Vikunozga!

Ine nkhumutemwa Iyo, ine nkhumutemwa Iyo  
Chifukwa Iyo wakadanga kunditemwa ine  
Ndipo wakagura chiponosko chane  
Pa Mphinjika.  
Mpaka tizakakumane! mpaka tizakakumane!  
Mpaka tizakakumane pa marundi gha Yesu;  
mpaka tizakakumane!  
Mpaka tizakakumane! O, mpaka  
tizakakumane!  
Chiuta waŵe namwe mpaka tizakakumaneso.  
Mpaka tizakakumane! mpaka tizakakumane!  
Mpaka tizakakumane pa marundi gha Yesu;  
mpaka tizakakumane!  
Mpaka tizakakumane! mpaka tizakakumane!  
Chiuta waŵe namwe mpaka tizakakumaneso.

[M’bale Branham wakwamba kung’ung’uta *Chiuta Waŵe Namwe*—Munozgi]

<sup>182</sup> Uweme uwu na wenenawene wa Chikhole chikuru cha Chiuta, Mzimu Mutuŵa, nkhuromba Iyo wakhale namwe mu uzari wose mpaka tizakakumaneso. Uchizi wa Chiuta wende namwe, utimbe nthowa za nyifwa kunthazi kwinu; kupanga nthowa yinu yakungweruka, mwakuti imwe muwonenge Yesu nyengo zose kunthazi kwinu, ndipo imwe musunthikenge yayi.

<sup>183</sup> Wadada ŵa Kuchanya, ise tikupereka chisopo ichi, na chisopo mlenji uwu, visopo vira na icho chachitika, na

uchindami wose kwa Imwe, kupereka kwa Imwe viwongo na marumbo chifukwa cha kuonoska wanthu, na chifukwa cha kuchizga warwari, na chifukwa cha kutipa ise uchizi Winu ukuru uwo ise tose tikulindizga. Tiponoskeni ise. Umo ise tikumuwongerani Imwe pa ichi. Muwe nase sono mpaka ise tizakakumaneso. Mukumane nase mu monesko. Muwe pa matayara gha iwo weneawo wakutchika, Fumu, kufika ku nyumba zawo. Warongozgeni iwo mu maholide ghangozi agha, mwakuti kupwetekeka na ngozi vileke kuchitika kwa iwo. Mu Zina la Yesu Khristu ise tikuomba ichi. Amen.

Viri makora, *Yeghani Zina La Yesu Na Imwe*, kamosaso.

Yeghani . . . Zina la Yesu . . . (Imwe rutaninge sono, mu Zina) . . . na imwe,  
Ngati chiskango ku msampha uliwose;  
Para viyezgo vyamuzingirizgani imwe . . .

Kasi imwe mukuchita vichi?

Yowoyani waka Zina lituwa m'kuromba.  
Zina lakuzirwa, Zina lakuzirwa! O kunowa, O kunowa!  
Chigomezgo cha charu na chimwemwe cha Kuchanya;  
Zina lakuzirwa, Zina lakuzirwa! O kunowa, mwe kunowa!  
Chigomezgo cha charu na chimwemwe cha Kuchanya.

Pa Zina la Yesu nkhugwadira,  
Kuwa mwantchindi pa marundi Ghake,  
Fumu ya mafumu Kuchanya tamkumuvwarika mphumphu Iyo,  
Para ulendo withu wamara.

Zina lakuzirwa, O kunowa!  
Chigomezgo cha charu na chimwemwe cha Kuchanya;  
Zina lakuzirwa, O kunowa, mwe kunowa!  
Chigomezgo cha charu na chimwemwe cha Kuchanya.

<sup>184</sup> Sono pambere imwe mundakhale waka pasi, apo gulu likukhala chete sono ku chisopo cha monesko.

Usange ine nkhunangiska yayi, ndi M'bale Blair yayi uyu, mupharazgi uyo ine nkhakumana nayo kula mu Arkansas kale chomene yayi? Ine nangughanaghana kuti wanguwa iyo. Ine nangumanyisiska yayi. Iwe wanguwa kuno mu kupatulikira kwa mwana, muchoko, mlenji uwu. Ine nangughanaghana . . . Kasi ine nkhakumana nawe yayi iwe kale chomene yayi, kuno pa Hot Springs, Arkansas? Iwe ukawa na . . . Chinyake chikakhala pachoko kuchitika, ndipo Mzimu Mutuwa wakazunura ichi.



Wanguwâ unenesko uwo? Ntchiweme. Ine mbwenu...Ine mbwenu vyanguchitika kuti ine nanguchighanaghanaso pamanyuma, ine nangughanaghana, “Ndiyo m’bale yura.” Ine nakondwa chomene kuti iwe uli kuno, M’bale Blair.

<sup>185</sup> Sono ine ndifumbenge M’bale Blair kuti iyo warombe kwa Chiuta kuti watitozge ise sono kunozgekera monesko uwo uli pafupi kuchitika. Uchitenge iwe, M’bale Blair? [M’bale Richard Blair wakuromba—Munozgi] Enya. Enya, Fumu. Perekani ichi, Fumu. Enya, Fumu. Enya, Fumu. Enya, Fumu. Enya. Enya. Amen.

Imwe mungamanya kukhala pasi sono, waliyose wa imwe.

<sup>186</sup> Ndipo sono pa chakwimbira, mlongosi, usange imwe mose mungalizga waka *Kuli Mbwiwi Yakuzura Na Ndopa*. Ndipo imwe mungayambako winu . . . rutani nawo kula, chirichose icho ntchakwenerera. Viri makora, kuwazga sono, usange ise tiwenge waka a . . . tikhale waka chete pa kanyengo.

Enya, mlongosi? [Mlongosi wakuti, “Nditore kathaulo kane?”—Munozgi] Viri makora, mlongosi, iwe penja waka umu mpaka ukasange iko, icho chiwenge makora waka, chirichose icho chiriko kula. Ndicho ichi? Viri makora, mlongosi.

<sup>187</sup> Viri makora, sono M’bale Neville waŵazgenge dongosolo la monesko.

Ndipo pamanyuma wateweti wafikenge, usange muli walendo muno, ku mpando uliwise, ndipo mwizenge nawo mzere na mzere, apo ise tikwiza, ndipo chigaŵa na chigaŵa, ku monesko.

<sup>188</sup> Ndipo sono nkhuromba imwe mulingalire sono. Kumbukirani, Israel wakarya uwu mu kuzingiziwa, ndipo mu ulendo mukaŵavye yumoza wakulombotoka pakati pawo, mu kumara kwa virimika fote. Agha ndi machirisko Ghauzimu, naghoso.

Fumu yikutumbike iwe, M’bale Neville. [M’bale Neville wakuwazga Lemba ili, 1 Ŵakorinte 11:23-32—Munozgi]

*[Pakuti ine ndiri kupokera kufuma kwa Fumu cheneichoso ine nkhubereka kwa imwe, Kuti Fumu Yesu mu usiku weneula iyo wakaperekekerera wakatora chingwa.]*

*[Ndipo para iyo wakati wawonga, iyo wakamenya ichi, ndipo wakati, Torani, iryani: ili ndi thupi lane, ilo lamenyekera imwe: ichi chitani mu kukumbukira ine.]*

*[Pamanyuma pa chantheura iyo wakatora nkhombo, para iyo wakati wamwapo, wakati, Nkhombo iyi ndi phangano liphya mu ndopa zane: ichi imwe chitani, penepapo pose imwe mukumwapo iyi, mu kukumbukira ine.]*

*[Pakuti penepapo pose imwe mukurya chingwa ichi, na kumwapo nkhombo iyi, imwe mukuwoneska nyifua ya Fumu mpaka iyo wafike.]*

*[Ipo waliyose uyo waryenge chingwa ichi, na kumwapo nkhombo iyi ya Fumu, kwambula kwenerera, waŵenge wakwanangira thupi na na ndopa za Fumu.]*

*[Kweni rekani munthu wajisande iyomwene, ndipo nthaura iyo warye chingwa chira, na kumwapo nkhombo yira.]*

*[Pakuti iyo mweneuyo wakurya na kumwa kwambula kwenerera, wakurya na kumwa ku kuparanyika kwake, kwambula kumanya thupi la Fumu.]*

*[Pa chifukwa ichi ŵanandi mbakutomboloka na ŵarwari pakati pinu, ndipo ŵanandi ŵakugona tulo.]*

*[Pakuti usange ise tingajiyeruzga taŵene, ise tamkweruzgika yayi.]*

*[Kweni para ise tikweruzgika, ise tikulangika na Fumu, mwakuti ise tileke kususkikira pamoza na charu.]*

[M'bale Neville wakuti, "Fumu yitumbike kuŵazgika, kwa Mazgu." Pamanyuma M'bale Branham wakutora mbale ya chingwa chakumenyeka—Munozgi]

<sup>189</sup> Ine ndakolera chingwa chakupatulika, chakukonyeka na chakumenyeka, kwimilira thupi la Yesu Khristu; kwizira—kwizira mu chidiko ichi chakuparuka ise tiri nayo nthowa kunjira mu Utuŵa ukuru wa mautuŵa.

<sup>190</sup> Ŵadada ŵithu Ŵakuchanya, chingwa ichi chapangika kwimilira thupi lira lakuphyoka na lakuparuka. Mphanyi waliyose wa ise, apo ise tikupokera ichi, mphanyi ichi changuŵa ngati kuti ise tikachita nadi chakuchitika ichi. Ndipo nkhuromba kuti ise tiŵe na kugowokereka kwa zakwananga zithu, na kuŵa na nthowa kunjira mu Utuŵa ukuru wa mautuŵa, kuti tizakakhale mu Kuŵapo Kwinu mu umoyo withu wakunthazi; na mazuŵa ghose agho ise tikhalenge pano pa charu chapasi, na kuzakaŵa na Imwe mu Umuyaya muyirayira. Perekani ichi, Ŵadada. Tumbikani chingwa ichi pa chirato chakukhumbikwa icho. Mu Zina la Yesu. Amen.

<sup>191</sup> [M'bale Branham wakutora mbale ya tumakapu tuchokotuchoko twakuzura na vinyo—Munozgi] Baibolo likati, "Para Iyo wakati watora na kumenya chingwa, nthouraso Iyo wakatora nkhombo; ndipo para Iyo wakati wamwapo, wakati, 'Iyi ndi nkhombo ya Phangano Liphya mu Ndopa Zane, izo zathiskikira imwe.'" Nkhuromba Fumu yipereke vitumbiko Vyake pa ichi apo ise tikuromba.

<sup>192</sup> Fumu Yesu, ine ndakolera apa ndopa za vinyo, juwisi kufuma ku magirepi. Ndipo, Ŵadada, ngwakuti wayimile

Ndopa zakuzirwa zira izo zikutitozga ise, kuti kufumira Kula kukiza Chikhole. Ine nkhumuwongani Imwe chifukwa cha Ichi, Wadada, na pa chakwimilira ichi. Imwe mukati, “Iyo mweneuyo wakurya na kumwapo Ichi wali na Umoyo wambula kumara, ndipo Ine ndizakumuwuskaso iyo pa nyengo yaumaliro.” Ise tikumuwongani Imwe chifukwa cha phanganano ili. Ndipo, Wadada, ise tikurumba kuti Imwe mutozge mitima yithu, pamoza, mwakuti ise tiwe wakwenerera mwa a . . . chipulikano chithu; kumanyanga kuti mwa ise taŵene ise ndise wakwenerera yayi, kweni chipulikano chithu chitondekenge yayi, kuti ise tikuzomera mwakufikapo Ndopa za Yesu Khristu. Perekani ichi, Wadada.

<sup>193</sup> Ndipo tuwiskani vinyo ku chirato chake chakukhumbikwa. Mphanyi waliyose uyo wamwengepo vinyo uyu usiku uwu, na kurya chingwa ichi, waŵe na nkhangono za ulendo uwo uli kunthazi. Perekani ichi, Fumu. Nkhuromba iwo waŵe wamusuma na wankhongono, na wakuzuzgika na Mzimu Winu, mpaka Yesu wafike. Amen. [Pa tepi palije kalikose—Munozgi]

<sup>194</sup> Ine nkhuomezga kuti Monesko ndi chimoza cha kuchindika kukuru, kwakupatulika, kusopa kuweme chomene uko kuliko mu chisopo cha mpingo. Pakaŵa vinthu viwiri wakatilekera ise, vinthu vitatu, vyakuti tichite, agho—agho ndi madongosolo na marango. Wanthu wanandi wakuyezga kuyowoya kuti, “Ise tiri na mzumali wa pakudanga.” “Ise tiri na kachipitika ka mphinjika.” Kweni pakaŵa vinthu vitatu wakatilekera: Mugonero wa Fumu, Ubapatizo, Kuchapana marundi, ghakaŵa madongosolo ghatatu agho wakalekera ku mpingo.

<sup>195</sup> Ndipo kwa ine, usiku uwu yikuwoneka kuŵa nyengo yapadera chomene kwa ine. Apo ine nangwimilira apa na kulaŵiskanga waka; nyengo zinandi ine—ine rutaruta nkhuŵa mu kuromba. Kweni usiku uwu, kulaŵiskanga mabanja ghakupambanapambana, kuwona mabanja ghanyake ghara ghali kwiza kuno kufumira apo ine nkhaŵa mupharazgi mnyamata, wayimilira muno na fuvu la mathabwa, ndipo ine . . . wanji wa imwe mbaphya. Kweni kuwona wanarumi wakwiza na wawoli wawo wakujikhizga na banja, na kuwona umo iwo wakulindilirana yumoza na munyake, na kupatulika kwa icho, umo iwo wakupwerera wana wawo; kuwona dona muchoko na mawoko ghake wakutorapo, ndipo nkhuhanaghana, “Woko lichoko lira lageza, ndipo wakupuputa masozi mu maso gha bonda.”

<sup>196</sup> Pamanyuma ine nkhuwona mabanja ghakwiza agho ine nkharuta ku nyumba kwawo para iwo wakaŵa warwari, na kufunda thupi, wana; Fumu Yesu wakachizga wana wawo. Ine nkhaŵachezgera iwo para iwo wakaŵa na suzgo mu banja, Fumu yikandivwira ine kupanga ili kuŵa pa mtende; kuŵawona iwo wakukondwa kamoza. Ndipo ine nkhuhanaghana waka umo kwamuwira para ise tikuruta ku Chiphikiro chikuru

cha Nthengwa. Ine ndiri wakuwonga chomene kuti Fumu yandizomerezga ine kuwa mubwezi kwa imwe na kumovwirani imwe. Ine . . . icho ndicho ine ndiliri kuno.

<sup>197</sup> Ndipo ine, kughanaghana waka kasi ndi nyengo yitali uli, ndi virimika vilinga; ichi ndi pafupifupi, ine nkhayamba kupharazga, pafupifupi 1930, ndipo ichi ndi pafupifupi virimika sate-thu kwa ine, sono, virimika sate-firi, ine nakhala nkupharazga. Mbwenu, kutokatoka kose na viyezgo ndipo, vikuwoneka ngati, nangauli, para—para ise tafika kuno, ichi—ichi chose chikuruwika. Mukuwona? Iwe—iwe ukuwona waka ngati kuti pali chinyake za Monesko kuti chikutora waka vyose—vinthu vyose vyakutimbanizgika, kutoranga Monesko. Fumu yimutumbikeni imwe.

<sup>198</sup> Mulara sono wajurenge, waŵazgenge Lemba la chisopo cha kuchapana marundi.

<sup>199</sup> [M'bale Neville wakuŵazga Yohane 13:2-17, ndipo wakujara chisopo—Munozgi]

*[Ndipo para mugonero ukati wamara, devulu sono wakati waŵika mu mtima wa Yudas Iskariote, mwana wa Simon, kuti wamwendere mphiska iyo;]*

*[Yesu pakumanya kuti Wiske wakapereka vinthu vyose mu mawoko ghake, na kuti iyo wakafuma kwa Chiuta, ndipo wakaruta kwa Chiuta;]*

*[Iyo wakawuka kufuma pa mugonero, ndipo wakaŵika kumphepete vyakuvwara vyake; ndipo wakatora thaulo, ndipo wakajiphinya iyomwene.]*

*[Pamanyuma pa icho iyo wakathira maji mu beseni, ndipo wakayamba kuchapa marundi gha ŵasambiri, na kuŵapuputa iwo na thaulo ilo iyo wakajiphinya nalo.]*

*[Pamanyuma iyo wakiza kwa Simon Petros: ndipo Petros wakati kwa iyo, Fumu, kasi imwe muchapenge marundi ghane?]*

*[Yesu wakazgora ndipo wakati kwa iyo, Icho ine nkuchita iwe ukuchimanya yayi sono; kweni iwe uzamkuchimanya kunthazi.]*

*[Petros wakati kwa iyo, Imwe muchapenge yayi marundi ghane. Yesu wakamuzgora iyo, Usange ine nikuchapenge yayi iwe, iwe ulije gawo na ine.]*

*[Simon Petros wakati kwa iyo, Fumu, marundi ghane pera yayi, kweniso mawoko ghane na mutu wane.]*

*[Yesu wakati kwa iyo, Iyo mweneuyo wachapika wakukhumbika yayi kusavya marundi ghake, kweni iyo wakumanya ngwakuphota: ndipo imwe ndimwe ŵakuphotoka, kweni mose yayi.]*

[Pakuti iyo wakamanya uyo wamwenderenge mphiska iyo; nthaura iyo wakati, Mose ndimwe wakuphotoka yayi.]

[Nthaura para iyo wakati wachapa marundi ghawo, ndipo wakatora vyakuvwara vyake, ndipo wakakhalaso pasi, iyo wakanena nawo, Kasi imwe mukumanya icho ndachita kwa imwe?]

[Imwe mukundichema ine Musambizgi na Fumu: ndipo imwe mukuyowoya makora; pakuti ndicho ine ndiri.]

[Ipo usange ine, Fumu yinu na Musambizgi, ndachapa marundi ghinu; imwe namweso mukwenera kuchapana marundi yumoza na munyake.]

[Pakuti ine ndamupani bambiro imwe, kuti imwe muchitenge umo ine ndachitira kwa imwe.]

[Inya, inya, ine nkhumunenerani imwe, Wantchito ndi mukuru yayi kuruska bwana wake; nesi iyo watumika ndi mukuru kuruska iyo mweneuyo wamutuma iyo.]

[Usange imwe mukuvimanya vinthu ivi, wakukondwa ndimwe usange imwe mukuvichita ivi.]

[Nkhuromba Fumu yitumbike kuwazga kwa Mazgu Ghake.]

[Wose awo watorenge, wanarumi wachapanenge marundi mu chipinda ichi, kudera uku; ndipo madona ghachapanenge marundi mu chipinda cha kumazere, kudera uku, mu chipinda chichoko cha kubapatizira. Nakondwa chomene kuwona wanandi awo wakukhumba kuchita, ndipo wachitenge, kuti wafika kuzaka wa nase mu kuchapana marundi uku.]

[Kasi tingayimilira pamoza? Kwa iwo weneawo warutenge. . .]

[Kamozaso ise tikuyowoya kuti ndise wakuwonga chomene na wakuthokoza panthazi pa Chiuta chifukwa cha dazi liweme ili, icho cha wa chakulimbikiska chomene ku mtima withu, mu kuwona Kuwapo kwa nkhangono kwa Chiuta kuti kwafika pakati pithu kuti kuli muno kutichiska ise na kutitumbika ise.]

[Apo ise tikusindamiska mitu yithu pamoza, ise tifumbenge M'bale Earl Martin kuti wafumiske awo wakukhumba kuruta.]



*KUZINGIZIWA* CTK63-0901E  
(Desperations)

Uthenga uwu wakupharazgika na M'bale William Marrion Branham, pakudanga ukaperekeka mu Chingerezi pa Sabata kumise, Seputembara 1, 1963, pa Branham Tabernacle, mu Jeffersonville, Indiana, U.S.A., ndipo uli kutoreka kufuma ku tepi ya magineti yakujambulika ndipo walembeke kwambura kusinthika mu Chingerezi. Kutanthauzira uku kwa Chitumbuka kukalembeke na kugawika na Voice Of God Recordings.

CHITUMBUKA

©2020 VGR, ALL RIGHTS RESERVED

VOICE OF GOD RECORDINGS, MALAWI OFFICE  
P.O. BOX 51453, LIMBE, MALAWI

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Chimanyisko chakukopera

Wanangwa wose ngwakuwikiririka. Buku ili lingamanya kudindika pa chakudindira cha kunyumba kuwa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili ntha lingaguriskika, kupangikaso mu unandi, kutumizgika pa website, kusungika umu tingazakalisangiraso, kutanthauzika mu viyowoyero vinyakhe, panji kuligwiriska ntchito pa kupempheskera ndalama kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)